

直隸霍州志續編

卷下

列女

烈女 賢媛附

藝文附詩

列女小序

且死易立孤難昔人曾言之矣蓋誓不二志立孤承嗣
自少至老鞠躬盡瘁歷萬死之中始完一生之節較死
爲難也然無子者以慷慨成其節無子而有子者以從
容成其節其成節雖殊而其成節之心則一豈可以難
易判哉同治九年秋旭莅霍查閱州志道光四年增修
以後花甲將週經前任賈君採訪節孝詳請旌表者尙
未合建總坊補入志乘爰亟出示曉諭博訪周諮先後
在任七年合之賈君所採訪者共得貞烈賢明婦女參

直隸霍州志

卷下

列女序

一

百餘人心堅金石節媿松筠或致命以全其操或甘貧
不移其守或于歸未賦永矢貞心或早失所天能持正
義或翁姑靡託肩重任於遺孤或嗣續多艱保哀宗於
一綫嗣遇連年荒歉復遭浩劫流行誠有推食養親忍
饑遂至於死並有妻爲夫鬻就死以全其貞同著芳聲
不拘存歿要必咸符於成例皆當公請於

朝廷現蒙

宮保爵憲曾大中丞札知附

奏循照舊章飭各州縣建立節孝總坊等因在案綽楔高

標需費甚鉅除紳族富室力所能爲不計外其他族望
孤寒家道貧乏有業經

題請議准者公請粟主人祠合建總坊其未經詳請者該
各本家造具事實赴學呈報來州覆核無異卽行詳辦
決不稽滯茲值補修州志據局紳等將貞烈賢明婦女
潛德孤行各加品題稟請查核刊入續志以傳不朽合
建總坊謹遵

憲諭實力奉行富者務同量力以捐資貧者無事計人
而需費圖功伊始當須有志竟成見義必爲竊幸衆擎

易舉光緒六年正月上元日知霍州事楊立旭謹識

續刻直隸霍州志 下冊

列女 烈女 賢媛附

韓氏閻時垠妻二十三歲失偶家極貧紡織度日至老
不倦道光十四年旌表

任氏張翀飛妻二十七歲夫亡事親撫子矢志靡他苦
節四十八載十六年旌表

翟氏監生張政妻二十七歲夫歿遺子女各一子將婚
亦歿撫姪孫爲嗣備歷艱辛二十二年旌表以聲傳
賢孝匾獎之

直隸霍州志

卷下

列女

一

閻氏吏員翟鶴聲繼妻二十二歲夫亡勤紡紝以奉姑
畫荻灰而教子守節四十年二十五年旌表

周氏朱傳燁妻十九歲于歸未週歲遭破鏡悲孝事翁
姑始終無間苦節五十九載

周氏劉學樂妻二十五歲夫亡慟不欲生哀毀骨立遂
以憂成疾卒時三十一歲

閻氏拔貢董邦憲妻十八歲于歸家困苦氏淡如也嘗
典衣爲夫購書夫歿時氏年二十四子醅之僅二歲
姑已六旬餘矣氏竭力奉養復有斷食訓子事後醅

之登甲辰乙榜人咸謂節孝之報云

劉氏任聯魁妻性幽閒幼習女誡知堅貞爲貴年十八將嫁夫病篤商緩期氏不欲違從一義父母窺其意嫁之未成禮夫居姑室躬親湯藥衣不解帶者累旬夫歿痛不欲生守貞十六載氏亦卒

陳氏李生耀妻二十二歲夫故竭力奉姑孀居四十年鄉里咸稱苦節

成氏陳昱妻寡居時二十三歲遺孤子撫養教導克承先緒

直隸霍州志

卷下

列女

二

朱氏監生閻標芳妻夫歿氏二十五歲歷盡艱難志不少渝

謝氏梁士元妻嫁甫四載夫亡氏年二十二歲仰事俯育不遺餘力苦節終身

楊氏郭學斌妻二十二歲夫亡翁姑歿家計艱難氏鍼黹度日以贏餘饋養外家父母賢孝之稱至今不謬孫氏張茂林妻夫亡氏年二十七孝事高堂婦代爲子教嚴弱息母兼作師旣栢舟以矢志亦紡織以全貞歷盡艱辛苦節璞完

劉氏董風清妻二十八歲夫亡勤紡織以給家安清閒而養壽七十歲卒

張氏劉澤深妻家困乏事親相夫恪守婦規二十七歲夫歿衣服飲食胥取諸紡績焉

荀氏楊百恭妻衰姑在堂奉事惟謹二十九歲夫亡撫弱姪爲嗣不啻己出親族賢之

成氏申聖昌妻家赤貧氏處之無怨言二十九歲夫故撫子成人絳績之勤終身無間

朱氏監生柏永耀妻二十八歲夫亡事翁姑婉容愉色

直隸霍州志

卷下

列女

三

惟命是從翁姑歿喪葬盡禮子長訪延名師課讀維嚴遂克成立

靳氏監生劉逢運妻夫歿氏三十歲勵冰霜之操堅金石之節六十四歲卒

湯氏楊克勳妻夫亡氏二十七歲子尚幼慈濟以嚴及長謂之曰吾可以見汝父於地下矣未幾卒

劉氏周全惠妻二十七歲夫亡侍二人恪遵婦道撫孤子洵有義方

賈氏周五瑞妻夫亡氏二十九歲與孀姑相依撫遺子

成人

杜氏翟文英妻以孝稱翁姑有不豫必委曲寬解得其歡心而後已夫亡氏二十歲遺弱息撫之有道洵足矜式閨闈

董氏王德裕妻二十二歲夫歿奉侍孀姑克盡孝道苦節終身

劉氏張培聖妻二十八歲夫亡撫幼子寬而能嚴姑老慈旨甘脩色養唯謹姑所居室必灑掃蠲潔而心始安賢聲蓋嘖嘖焉

直隸霍州志

卷下

列女

四

喬氏監生邢麟圖妻夫亡氏二十六歲治家勤儉至老紡織鄰里嘉之

朱氏翟春蘭妻家貧處之裕如事女紅不少懈二十九歲夫歿經理家計一如舊日

劉氏郭景清妻二十六歲夫歿奉事舅姑辛苦備嘗張氏師從庫妻二十八歲夫歿飲冰茹蘗撫孤成人七十一歲卒

劉氏李自植妻二十一歲夫歿姑老子弱以婦代子以母兼父教養未嘗少懈

高氏朱秀淦妻二十三歲夫亡姑老躬操作以資日用
勞瘁難堪氏堅貞自勵處之晏如

李氏王松齡繼妻二十歲夫亡誓從地下憂憤成疾家
人勸慰終莫能解越三載卒

喬氏韋望沂繼妻二十一歲夫歿事孀姑以孝聞育前
子以慈著五十二歲卒

劉氏曹自榮妻二十二歲夫亡上事下撫必求盡心鄰
婦或至其室寒暄外默無一言人尤難之

董氏曹振鐸妻二十八歲夫亡澹泊自甘織紵外閉目

直隸霍州志

卷下

列女

五

靜坐終日無笑容嘗謂勤以養身靜以養心鄉里引
爲閨中式卒時八十一歲

張氏胡呈璋妻二十九歲夫亡子幼歷試辛苦比子長
家道漸裕安享遐齡壽臻八十一歲

朱氏張如柏妻二十四歲罹寡鵠憂事姑維謹門內傳
孝聲焉

楊氏郭聖遴側室性貞靜事女紅不少懈夫歿歷遭窮
阨從一之志未可奪也鄰里難之

成氏周化豐妻夫因院試受暑成疾將逝謂氏曰親老

子幼惟汝是依氏含淚應諾時氏二十六歲事上教
下毫無遺憾尤勤儉治家或鄰里告匱則量力周濟
恒州尊以純孝無閒貞節可風匾旌之子紹稷國子
監典籍孫丕承廩生

張氏閻永芳妻家極貧澣衣給姑甘旨妯娌之間怡如
也十九歲夫亡遺腹生子境遇雖困節操愈堅語子
曰宗祏之不墜一綫耳命名繼先欲汝顧名思義也
長經營生理家頗饒裕捐職布政司經歷人謂克遵
母教焉

直隸霍州志

卷下

列女

六

楊氏王光華妻撫弱稚克盡母道夫歿舅姑在堂菽水
承歡始終不懈

朱氏李廷選妻夫卒遺子幼保抱攜持鞠勞備至及長
爲之完室延師訓迪俾紹家風

朱氏劉方立妻夫歿舅姑年近期頤憂慮不形皆氏孝
德之徵也

田氏劉錦川妻夫沒貧無立錐歷盡艱辛孝思之誠一
如夫在真所謂以婦代子者

王氏生員劉錫瑾妻秉性端凝言笑不苟事衰姑委曲

周全務得歡心遺子尚幼訓之寬而有制温惠淑慎
氏庶幾焉

荀氏張維奇妻夫歿事姑無惰容訓子有義方人謂其
賢德素著云

安氏高肇統繼妻于歸以來侍甘旨潔脩灑甚得翁姑
心夫歿撫孤之餘養老尤加謹焉

李氏生員郭配林繼妻夫歿事繼姑定省無曠始終不
易其志鄰里欽之

安氏張壽域繼妻夫歿後事姑維謹同爨人繁氏性簡

直隸霍州志

卷下

列女

七

默悉處以和淑慎温恭至老如一子永錫克遵母教

例授奎文閣典籍

任氏吳鏡妻夫故無子撫姪如已出事祖姑從容巽順
敬謹無違洵爲閨闈楷模

晁氏監生成逢康繼妻夫亡家無升斗之儲氏窮約自
甘日惟閉戶紡績以易衣食雖饔飧不繼沒齒無怨
言守節三十九年

閻氏楊國盛妻日事紡織以勤苦稱夫歿理家事如初
苦節之貞氏其有焉

張氏郭以治繼妻夫早卒膝下無子撫姪以續夫嗣能
令成立苦節終身

董氏生員翟振飛繼妻夫亡姑寡居先意承志未嘗有
違及姑歿葬祭俱稱合禮

劉氏韓晉豐妻夫歿後絕意浮靡淡泊自甘食祇齋蔬
衣唯布素鄉人賢之

劉氏李秉仁繼妻仰事俯育備極勤勞夫亡喪葬無失
禮守節四十七年

李氏安際昌妻夫亡翁姑無恙孝以事之遺子稚弱慈

直隸霍州志

卷下

列女

八

以育之洵爲巾幗完人不愧女中模範

張氏王鴻德妻性貞潔事親撫子歷盡艱辛孝慈之聲
播於遐邇

邢氏荀晉德妻勤勞萬狀上事下撫孝養終身

王氏董元魁妻守貞五十三載事姑教子家無間言

劉氏浙江臨安縣知縣邵文英繼妻綺歲結褵方冀眉
齊鴻案中年失偶不虞影痛鸞孤屏鉛華以不事膺

錦軸而沐恩宗族稱之間里榮焉

王氏薛元明妻二十八歲夫亡時累債八百餘緡子未

週歲氏上事孀姑能竭心力自奉淡薄持家以勤後代夫還債家漸饒裕子東來損職主簿孫四人一堂衍慶族里咸稱其賢能

楊氏貢生張逢泰妻家頗饒不以婢侍二十三歲夫亡欲身殉病不嘗藥時子瀛清未週歲家人勸以撫孤成人乃止嗣後勤理家計積穀百十石咸豐八年歲歉散給貧民里人頌之今子已遊庠矣

邢氏生員楊夢蘭繼妻二十九夫亡孝以事姑嚴以訓子處諸叔及妯娌尤和睦無間言子錦舒監生

直隸霍州志

卷下

列女

九

吳氏薛可仕妻二十八歲夫歿親操井臼辛苦備嘗閻氏監生董祥照繼妻年二十于歸次年夫亡無子氏水漿不入口者數日家人勸曰翁姑老矣誰侍左右乃就食自後孝事高堂色養彌篤撫姪增榮繼夫嗣氏歿葬日合族公送匾額曰女中共姜

高氏劉居秋妻十六歲于歸姑已老氏愉色侍奉承順不違直若生女其處家人悉和顏霽色鄰里嘉其雍睦夫歿撫姪監生恒齡爲嗣不啻所生教養兼施克承家業

郭氏成大器妻二十九歲夫亡侍翁姑孝敬無虧撫育
二子皆教督以至有成苦節五十一年卒

陳氏周玉英妻二十六歲夫亡侍姑側不少離勤勞紡
織罔或休息七十三歲卒

閻氏安毓峰妻夫故年二十七上事舅姑以孝養著下
撫子女以慈愛聞

邢氏增生朱煜基繼妻年二十八夫亡撫養二子俱能
成立

劉氏成興蘭妻夫亡年二十五家貧餬口維艱氏昕宵

直隸霍州志

卷下

列女

十

紡績茹苦食貧至老不倦

朱氏薛長富妻夫故氏年二十七事親訓子孝著節彰

劉氏薛盈灝妻夫亡氏年二十八笑言不苟心志彌貞

洵屬女中完人

趙氏喬樹滋妻性簡質不事粉飾夫歿年二十二杜門
不出非至親兄弟不輕與交言

張氏劉知節妻夫故時氏年二十九菽水娛親柳丸教

子洵堪媲美古人焉

武氏監生任芸馥妻家稍裕二十七歲夫亡哀毀極至

殯葬皆如禮淡泊自甘不好奢侈蓋由其性然也
王氏高文妻善治家日用經費預爲籌畫二十九歲夫
亡彌覺勤儉後漸積餘資鄰女有貧乏者時伙助之
張氏劉居丈妻家極貧夫亡氏年二十七紡織度日未
嘗求人親族每憐其苦氏泣曰此吾命也聞者難之
劉氏增生郝象山妻夫亡氏年二十八治家節省半絲
半縷從無濫用至親族貧乏量力周濟未見其吝也
周氏成元恒妻性和順爭競之言不形於口二十六歲
夫故尤安簡默內外雍和毫無間言

朱氏郭環城妻二十八歲夫亡翁姑老親操井臼服勞
奉養雖啜茹飲水亦盡其歡

任氏安聯科妻性頗厚一切家計惟夫命是從夫亡氏
二十六歲鄰里憐其肫誠不忍相欺

朱氏生員董星照妻二十九歲失偶痛不欲生後因夫
未葬遂經理家事竭力殫心未嘗稍懈

郭氏增生馬佩瑄繼妻二十五歲夫亡絕粒數日誓不
獨生姑泣勸乃止鄰婦有言再醮事者氏泣謂姑曰
何此言之入媳耳也守貞之志至老不渝

張氏郭紹師妻二十四歲夫亡經營喪事無失禮及謀葬務獲吉地恪供婦職毫無遺憾

梁氏朱連捷繼妻二十歲夫亡不履母家親族來往鮮覩其面安節之亨氏庶幾焉

范氏程宗聖妻三十歲夫亡家業淡薄租粟所入不足供姑用氏崇儉戒奢日勤操作奉姑之誠罕有其匹撫姪光辛以綿夫緒

張氏郭傳賢妻二十歲夫歿姑憐其少氏舉嫁時衣服藏之竭力事姑朝夕依倚未嘗稍離

直隸霍州志

卷下

列女

十二

朱氏生員閻逢辰妻少失恃依外祖母爲命于歸家貧翁姑老氏事之不少懈二十九歲夫亡乏嗣祇一女翁姑繼歿喪葬之事氏以一身當之嘗語人曰吾遭遇坎坷命也聞者無不愴然

薛氏成元振妻賦性頗嚴侍親側下氣怡色婦德婦工兩無所憾三十歲夫卒晝夜紡績未嘗言苦

高氏張青峯妻事舅姑無怠容處妯娌無憤語夫歿氏年二十八零丁孤苦家道困乏茹苦自甘全無怨言劉氏梁履貞妻家貧二十六歲夫歿翁姑亦逝竭力喪

葬頗合古禮里人輒稱許之

張氏生員成致中妻有賢稱二十五歲夫亡翁姑憐其苦每令鄰婦勸之氏曰此吾命也更無他言

馬氏安文元妻家貧二十九歲夫歿守貞自誓之死靡他人憐其苦氏安之若素

劉氏張鍾英繼妻性至孝舅姑有命未嘗或後二十九歲夫歿境遇艱難不移其守

郃氏楊清芳繼妻夫歿家資淡泊竭力殮葬不吝貲財時年二十七歲也

直隸霍州志

卷下

列女

十二

武氏典籍郭紹基側室素守禮法常與嫡室相親二十歲夫故循分自安至老不倦

靳氏郭吉麟妻夫歿哀戚毀容娣姒勸慰氏含淚稱謝未嘗以困苦語人時氏二十三歲

朱氏武生王青雲繼妻家稍裕事姑以孝聞二十五歲夫亡子幼不事浮華惟勤教訓長儒珍從九次廷珍

武生

苗氏高占元妻家無儋石夫故後藜藿自甘戚族有饋食者卻之曰我豈受人憐哉一生節操如此

楊氏胡德化妻二十一歲夫故上事翁姑宗族稱孝下
撫子嗣耕讀爲生守節二十九年子炳麟按照磨

李氏王樹樸妻性至孝翁姑每稱其賢有聞風者曰伊
婦爲翁婆所稱何不彼若其節孝感人類如此

李氏郜尚智妻夫故氏年二十二姑染病在牀氏奉侍
湯藥朝夕相依未嘗少懈

武氏劉汝翼妻夫故氏年二十六奉侍高堂能得歡心
族人咸稱其孝

程氏靳德懋妻夫故氏年二十九終日紡績不出閨門

直隸霍州志

卷下

列女

十四

董氏翟文德妻夫亡氏年二十撫子成人生孫繁衍

劉氏韓全德妻夫故氏年三十值年荒戚黨有哀其節
以賑者氏甘心窮苦不受人憐

李氏廩生王正煜妻夜勤紡績伴夫讀書夫爲講列女
傳至毀容割髮等事氏或歌或泣若有所得夫卒氏
年二十九堅節自勵終身不衰

安氏王如芝妻二十九歲夫歿養親撫孤身獨任之幽
居守節聞者稱許

李氏郭德成妻二十九歲夫故孝以事親勤以治家安

分守節澹如也

張氏姚惟中妻幽閒貞靜言笑不苟二十九歲夫逝茹苦食貧惟閉戶紡績而已

成氏劉耀晉妻二十三歲失偶孝事祖姑母家有事本日必歸問之曰祖母需人服侍吾不忍一日離也

賈氏王法端妻夫亡氏年二十一家貧躬親績紡蓄甘旨以奉翁姑自啜菜羹安之若素子稍長訪延名師訓課俾振家聲焉

王氏張清鶴妻二十七歲夫故性極淡泊衣食外不贏餘人問之氏曰爲未亡人不凍餒可矣何生計爲紡織不輟安享遐年

楊氏韓衍恒妻二十三歲夫卒無子謂族人曰夫有繼嗣吾方有依歸也撫姪東甲爲嗣今已成立
韓氏朱郁鑑妻二十一歲夫逝上事下育嘗若未慊然人問之答曰此吾分也鄰里稱之

荀氏張紹統繼妻二十六歲失偶翁姑在堂氏奉事惟勤閱多日始往外家定省常曰兒欲侍左右奈翁姑衰老何後父母亡遂不復履母家

賈氏周化藩妻二十九歲夫亡孝事孀姑撫姪紹憲爲
嗣課督綦嚴學使以松栢堅操匾旌之

李氏安六吉繼妻十八歲于歸越年夫亡撫前子恩斯
勤斯完婚後母慈子孝聞者稱述後子歿氏朝夕悲
傷鄰里憐之

董氏何心鑑妻性極嚴二十三歲孀居雖母家人來亦
不令久坐其室嘗謂妯娌曰吾喜清靜室中言笑非
所願也宗族翕然稱之

張氏董仰昌繼妻性嚴肅二十四歲夫亡尤寡言語親
族婦女偶至其室惟問寒暄而已

郭氏武生馬元彪妻夫亡氏二十九歲聞嘻笑語心便
不樂入姑室饒有愉色洵堪爲閨中式

閻氏監生邢在奎妻夫歿悲哀絕粒幾不欲生舅姑勸
慰再三氏順從盡孝而憂鬱終不釋

陳氏吏員周執桓繼妻勤苦自勵得翁姑心二十九歲
夫歿撫前子極其慈愛子亦極能巽順人皆難之

姜氏謝天舉妻性孝姑偶不悅必怡色柔聲多方解慰
而心始安二十八歲夫卒艱貞自矢姑歿喪葬盡禮

馬氏張岑妻有婦德夫偶他適夜必秉燭檢點門戶與家人語未嘗高聲二十一歲夫歿閨範時凜親族罕見其面

張氏王階妻夫亡氏二十五歲孤室自處不常履外家鄰女或至其室正襟危坐不妄與言

樊氏王泰妻二十歲夫亡儉素自甘紡績外未嘗談他事恐役其心也

武氏劉文玉妻二十二歲夫歿志堅松栢節勵竹筠妯娌偶戲之如弗聞或引身退避心愈密志愈堅也

直隸霍州志

卷下

列女

十七

崔氏劉居若妻十七歲于歸歷八載夫亡姑老子幼無人撫事氏力勤紡織以養姑教子爲己任

梁氏李興蘭妻二十歲夫亡誓無他志鄰婦有勸再嫁者氏泣曰異日黃泉何顏見夫也其節操如此

張氏生員楊文光妻夫歿上事翁姑克盡孝道下課孤子督責甚嚴壽七十九歲

李氏劉恒望妻工鍼指夫逝後對檠刺繡寒暑無間姑勸曰燈光隱顯恐將來邁目疾也氏曰媳青年偃蹇若此敢不勤勞乎組紉罔懈後未四十眼即昏花六

十六歲卒已喪明三載矣子美文嘗涕泣爲人述云
李氏閻養道妻年二十五夫亡乏嗣家計維艱糠粃莫
充困苦之狀聞者垂淚

張氏武逢康妻二十八歲夫故家貧子孤氏維持調護
宗祧之重賴以綿遠

荀氏吳憲文妻夫故氏二十八歲窮約終身安分守節
劉氏梁紹先妻二十八歲夫歿竭力奉親以禮葬夫操
井臼勤鍼黹至老不倦

翟氏董爲鼎妻夫亡後上事重慈婉容愉色下撫弱息

直隸霍州志

卷下

列女

十八

面命耳提孝可維風節堪勵俗子衍澤庠生

韓氏郭茂蘭妻夫亡氏年二十八端方自守侍養翁姑
無稍違逆鄉閭聞之賴以感化者不少

郭氏高景彥妻翁姑早逝二十九歲夫亡氏哀哭慟絕
母泣勸曰吾與爾父老矣汝耐寒守節以養二老餘
年後鍼指所得饋養父母里人賢之

張氏安賜福妻二十七歲夫歿不出閨門或外家有事
亦不輕往

蒲氏陳鼎榮妻夫故子幼讀自書館歸氏曰汝所讀書

如能成誦將啖以肉試焉未熟嗔曰吾二十八歲守節不嫌困苦者望汝成立也今若此吾何望乎涕泗交流子懼悔過乃止後名雨化發憤攻書遂八州庠張氏賈榮華妻二十七歲夫亡飲冰茹檠至老不渝薛氏韓安仁妻二十八歲夫逝外家頗小康每有饋遺必先敬翁姑孝養之名鄉里稱之

薛氏生員任儒彥妻十八歲于歸次年夫亡家頗裕氏閉門不出貞靜自守數十年如一日

韓氏李思茂妻二十四歲夫故翁姑年邁氏竭力奉事

直隸霍州志

卷下

列女

十九

一切衣服饘餼皆出氏手翁姑歿殯葬皆如禮

薛氏監生段懷連妻夫逝氏年二十九杜門不出哭語家人曰吾隱忍苟活雖生猶死堅貞節操衆口同聲朱氏陳汝霖妻夫亡氏年二十一家極苦寒糠粃自食青鐙紡績寒暑不輟

謝氏張存惠妻二十九歲夫故氏服侍高堂菽水必敬謹嚴壺範冰霜自持

宋氏薛繼文繼妻十九歲于歸逾年夫亡誓從地下家人勸之氏曰吾不欲偷生也遂抑鬱而卒

李氏張利德妻夫故氏二十一歲孝事翁姑節孚姻婭
門內門外毫無間言

高氏郭接元妻夫逝氏年二十八翁姑老氏膝下色笑
敬謹無違不令高堂傷感在翁姑若忘其子之逝者
張氏劉漢佐妻翁姑有所求竭力營謀以遂其願謀之
不得婉言慰解二十四歲夫卒奉養二老終身不倦
薛氏韋模妻夫故氏年二十三不求人憐不言已苦安
分守節人皆欽之

安氏生員郭維祺妻二十七歲夫歿翁姑痛哭氏含悲

直隸霍州志

卷下

列女

二十

勸慰務得歡心後撫子成立鄉里矜式

任氏縣丞高益恒妻二十八歲夫亡家頗裕事姑盡道
每有嘉穀欲饋外家父母必稟命姑喜曰分固應爾
汝主中饋何必稟命而行族有困乏者氏量力周給
仁厚之風播於鄉里子翰音守禦所千總

喬氏張步宜妻夫歿無再譙言鄰婦至其室氏必示以
從一之義冰霜之操確乎不拔時年二十一歲

王氏關培蘭妻與孀姑相依奉事勤謹三十歲夫亡前
子幼撫之如已出苦節終身

武氏李玉蘭繼妻二十歲夫故家無蓄積黃米奉親自食不令翁姑見暗窺之乃糠粃也翁姑嘗爲人述之姚氏王克疑妻二十四歲夫故操井曰勤紡織翁姑勸之少息氏含淚曰家計蕭條敢不勤乎後家漸裕楊氏高永昭妻性貞靜二十一歲夫亡彌覺謹飭終日默然笑嚔不苟尼跡不出戶庭

陳氏劉行富妻二十九歲夫故菽水承歡人傳其孝鍼綫度日事維其勤

薛氏劉妙樂妻性端嚴不苟言笑夫歿氏年二十八守

直隸霍州志

卷下

列女

二十一

貞自誓鄰居婦女相見不敢與之嬉笑閨範肅然

李氏成來珍妻二十七歲夫亡同爨人繁家業淡泊子三歲氏教養有方及長爲子娶媳後子媳俱逝孫未週歲氏殷勤撫育極費經營

劉氏成來乾妻夫故氏年二十三高堂就邁日勤孝養姑歿爲子計生理謀家室語之曰吾所以忍死至此者正爲姑與子耳異日可見吾夫泉下矣聞者賢之董氏何文錦繼妻夫經營生理家資稍裕二十一歲夫歿氏治麻枲執絲繭安於義命未嘗言勞

薛氏成維芳妻幼嫻禮教習女紅二十七歲夫故力勤
紡織家人勸曰何勞瘁乃爾氏曰此吾分也何勞瘁
之有族人稱爲女中敬姜

王氏朱秀波繼妻夫故氏年二十六子幼讀功稍曠氏
曰我所以勤紡紆者爲汝成立計也今子廢讀我何
生爲子悔過早夕勤學後克承家

武氏閻秀士妻二十四歲夫染疫身故姑亦病氏每夜
焚香祝天願以身代姑病旋愈人以爲孝敬所感

成氏關應相妻二十八歲夫逝徹其環瑱以給家計奉
直隸霍州志
卷下
列女
二十二

姑教子一身任之
秦氏高如起妻十八歲于歸年餘夫故翁姑老氏恐觸
其悲哭聲未嘗外聞後翁逝步履追隨不離姑側賢
孝貞節族黨傳之

趙氏張桂蘭妻二十九歲夫亡調羹潔志斷杼勵衷
賈氏劉清標妻二十九歲夫故子幼氏百計保護委曲
周詳以養兼教後子克家

吳氏楊茂時妻二十二歲孀居孝承雙老宗族交譽節
矢百年里鄰稱頌

張氏韓樹芳妻二十六歲喪夫事姑維勤非奉命不出
其房貞固之節雖勞不渝

靳氏荀運順妻二十八歲失偶竭力悅親貞心勵節

董氏李漢英妻三十歲夫亡家極貧有勸他適者氏曰
吾恨不爲男子顯揚父母敢有他志以貽親羞後二
子就商家漸豐裕

閻氏安養性妻二十六歲寡居事翁姑茶湯親爲烹調
偶有不豫再三寬慰務得歡心二老嘗爲人述之

李氏生員王應選妻二十七歲夫故家貧一子在襁適

直隸霍州志

卷下

列女

二十二

姑病喘藥餌無資氏以乳養姑以食喂子後姑享遐
齡子紹舊緒人以爲有崔山南孝敬之風云

荀氏王漢清妻二十七歲嫠居暑天炊爨寅畏奉親寒
夜孤鐙辛勤教子節操堅於心曲賢聲溯乎口碑

范氏閻荷化妻家貧二十九歲夫故困履謀生澣衣自
給子錫九成立皆氏勤苦所致

張氏宋錫清妻夫少孤姑范氏頗苦氏奉事極謹二十
八歲夫亡彌覺順從求繼夫嗣以衍家緒

朱氏薛志揚妻家貧夫歿子女俱幼氏晝則捆履夜則

紡織男婚女嫁皆鍼指所出後子成立長煒文太學
生次煥文從九

劉氏成維垣妻二十四歲夫故無子撫姪爲嗣恩勤撫
育一如已出

劉氏成樹穩妻二十一歲夫亡循分守節至老不倦

盧氏郝興時妻夫逝氏年二十八孝事翁姑慈訓幼子

黃氏董邦甸繼妻二十三歲夫故家貧無子工刺繡得

資養姑適歸省鄰嫗勸氏他圖氏歸竟日痛哭姑勸
慰乃止後杜門不出撫姪舉人醮之爲嗣

直隸霍州志

卷下

列女

二十四

梁氏武進賢妻夫亡氏年二十三苦節永矢孝聲常留

陳氏暢復禮繼妻二十三歲夫亡喪葬盡禮時子尙幼

氏愛惜倍摯督責綦嚴

王氏周五銀繼妻二十三歲夫亡家赤貧或謂困苦難

堪勸氏他適氏默無一言勸者慚退

馬氏王樹棠妻素嫻禮法二十六歲夫故氏愈謹飭子

弟輩見之倍覺尊嚴恭則不侮氏庶幾焉

劉氏荀九成妻二十一歲夫亡誓不他適殯夫後母家

憐其苦欲接氏歸氏堅不往使人問之亦不多與言

劉氏苟全體妻二十一歲夫故膝下承歡克篤雞鳴之禮閨中守節永懷鵠寡之心

王氏田惠風妻夫故後父母使姆慰之意謂不堪其苦也氏不答久始言曰吾青年遭此奇阨莫非命也何苦之爲

伍氏王繼德妻幼時隨父觀劇見西施歸越語父曰彼何不惜名節也父深異之于歸後風範端莊容儀整飭二十七歲夫故彌覺懍懍可謂婦德之優者

董氏武生朱連靄妻夫亡姑患老病纏綿牀第氏飲食

直隸霍州志

卷下

列女

二十五

調護親滌溺器毫無難色

張氏監生閻道貫繼妻二十六歲夫故事親孝守節嚴處衆和治家儉咸謂有古賢母風

胡氏劉如蘭妻二十九歲夫亡翁姑老家業薄氏紡機營生二親賴以安享餘年

張氏成全錫妻二十八歲夫歿家貧親老欲爲親備甘旨無力措辦氏勤紡織借易佳穀孝養之誠親族皆賢之

劉氏薛則彤妻性貞靜二十九歲夫亡子其榮方七齡

氏績麻紡線代夫教子入泮後因誤歲試除名氏病篤囑之曰女能復衿吾瞑目矣遂卒時年七十九歲後子努力詩書再遊黌序人謂其蒙母教誨焉

楊氏高福照妻事舅姑色養備至二十八歲夫歿疊歷艱苦矢志靡他人咸欽之

朱氏韓樹芝妻夫故氏年二十九奉事高堂訓誨子姪一如夫在洵爲閨閣模範

成氏劉恒看妻二十五歲夫亡持身溫惠勵志潔清境遇雖困心未嘗少渝

直隸霍州志

卷下

列女

二十六

成氏李廣元妻二十八歲夫亡翁姑俱存孝敬之聲無間內外艱苦之節克全始終

劉氏陳太清妻夫故氏年二十九孝心可式節操永貞任氏閻永秀繼妻十七歲于歸家貧如洗氏因饗殮莫給嘗不舉火夫業商歸問之氏曰已食矣未十年而夫亡撫姪爲嗣言家計之難輒痛哭流涕後姪感悟遂致小康

朱氏附生劉佩瑩繼妻十九歲夫亡家頗裕氏善於籌畫崇儉戒奢撫前子善言慈兼以教後果入泮

武氏閻道益妻二十四歲夫故勤儉自守孝慈無虧
郝氏楊春陽妻二十七歲夫故日用空乏每多難堪鄰
嫗勸他適氏曰貧苦命也偶有他志是不安命矣勸
者慚謝

劉氏喬景玉繼妻夫故氏年一十九翁姑在堂供奉無
缺撫子卒至成立婦道母儀氏兼有之

薛氏韓晉儒繼妻二十四歲夫故純孝有聲堅節無渝
薛氏韓利仁妻二十六歲夫亡日夜紡績寒暑不輟
王氏孫行繼妻二十一歲夫故白水盟心皎日矢志

直隸霍州志

卷下

列女

二十七

吳氏翟雲章繼妻勤紡織以給家計堅貞之操至老如
一夫歿時氏年二十九守節三十二載

成氏生員朱殿元妻夫故氏年二十九守節四十二載
孝行堪風節貞卓著

樊氏楊鵬年繼妻十九歲夫亡奉養翁姑窮約自甘
朱氏增生楊炳蘭繼妻十七歲于歸二年夫亡姑薛氏
孀而賢因其無出每見而憐之氏曰有姪錦章以綿
夫緒在媳善處耳何必親生者姑喜曰真克家婦也
後氏勤儉自持寬和處家卒時七十七歲人謂徽音

堪嗣焉

任氏董承澤妻孝廉方正任開泰曾孫女也幼嫻姆教
十七歲于歸孝敬翁姑夫以苦讀致疾氏定省之餘
兼養夫病夫歿子女俱無形影相弔遂憂虞成疾卒
姪拱辰從九孫松年鹽經歷克承其緒

閻氏從九周紹烈妻年二十一夫亡上事翁姑下撫幼
子孝慈兼盡賢聲遠播子丕昌營千總

董氏任汝康妻二十三歲夫亡家豐不尚奢華以命自
安撫姪爲嗣

直隸霍州志

卷下

列女

二十八

高氏張舒翼妻二十八歲夫故終身紡織不因困苦改
柯易葉鄉評至今猶存

朱氏閻振翰繼妻二十二歲夫歿家貧糊口極艱未嘗
求助於至親卽有時藜藿莫充亦終身不怨

張氏柏鳴鳳妻年二十七夫故子五歲氏慈而能教完
婚後子逝撫孫成立以承宗祧

張氏程建中繼妻二十二歲夫亡奉事雙親先意承順
孝養之實積中發外鄰里頗有感化者

張氏劉兆福妻武生其玉之女頗嫻禮節與家人處溫

厚和平從容謙讓撫姪裕祉爲嗣

王氏閻道合繼妻二十七歲夫亡家本寬裕氏衣食節儉躬親操作古道自處

薛氏任汝昌繼妻二十四歲夫故家裕循分守節無富豪氣有樸素風

李氏劉殿楹側室十六歲夫逝哀痛傷心死而復生者冉家人勸之氏曰夫故無子宗祧絕矣誰爲依靠者族人以胞姪占鰲爲嗣氏自此布衣粗食儉約自甘里黨賢之

直隸霍州志

卷下

列女

二十九

楊氏房翥鸞妻二十五歲夫亡氏哀痛致疾家人命醫調治氏曰吾恨不從夫泉下卽醫藥有靈亦不過偷生以延旦夕耳後病瘥家有事親族罕覩其面邢氏任汝弼妻二十一歲夫故茹蓼飲荼未嘗言苦嗣子勳藩從九

劉氏張葆光妻二十八歲夫亡竭力奉親循分勵節朱氏荀肇慶妻幼失怙恃十八歲于歸越四年夫亡無子僅生一女有示以他適者氏曰儻有二心百年後難對吾夫矣謹守婦規勤儉治家現年五十八歲

李氏房有鸞妻二十八歲夫亡日事紡績人以爲勞氏
曰勞則善心生且吾以爲養生資也享年七十餘歲
王氏成伯榆妻二十六歲夫故日事紡績以奉翁姑孀
居四十五年

梁氏馬逢海妻夫歿氏二十六歲舅姑衰老服勞不倦
教養幼子俾克成立

翟氏董紹先繼妻二十四歲夫亡家計維艱姑年垂暮
必委曲得其歡心紉緘所得以備滫瀡奉養不衰

劉氏王守和繼妻善事翁姑夫歿氏年二十五謹守婦

直隸霍州志

卷下

列女

三十

訓內言不出於閨閏範之嚴推重鄰里

安氏劉恒援妻二十六歲夫亡甘心守節家人優待之
氏亦恪守婦規未嘗稍渝

朱氏翟文煥妻二十七歲夫歿孝事高堂勿逆勿怠和
處妯娌必敬必恭卽至親鄰授受尤能無私假無私
與焉

劉氏成俊金繼妻二十七歲夫亡撫前子如已出完婚
後子媳俱逝孫僅五歲撫育盡心紡織之外更謀稼
穡及孫長從容訓誨無稍姑息

劉氏張奪魁妻夫故氏二十九歲家寒子幼紡織度日
教養兼備子長而歿撫孫國蘭克承祖業

劉氏馬自靈妻性沈靜事高堂未嘗疾言遽色有不虞
事則從容和順以處之夫卒時氏二十八歲

杜氏劉士哲妻二十七歲夫故翁姑在堂無子撫姪爲
嗣氏仰事俯育孝慈兼盡壽臻七十歲

朱氏張法召繼妻夫亡氏二十九歲恪守深閨言不外
出事姑教子身獨任之宗族咸稱其賢

劉氏尉光德妻于歸以來克盡孝道凡舅姑所欲者必

直隸霍州志

卷下

列女

三十一

百計求之以進二十八歲夫歿冰玉自持永無他念
陳氏劉行擢妻夫素有癆疾氏經營家事二十六歲夫
故時長子五歲次子尙在襁褓勤儉自奉課子耕讀
今子皆成立家亦不至空乏焉

陳氏劉行藻妻家業蕭條矢志守節翁姑衰邁曲盡孝
養夫亡時二十八歲

喬氏喬景泰妻夫故氏年三十孀姑在堂奉事惟謹教
子有方不稍令其嬉遊以期成立

田氏范炳照繼妻奉養衰姑終日無倦容二十五歲夫

故哀泣之狀未嘗形於姑側人尤難之
成氏晁培深妻夫亡氏二十七歲日侍姑側不少離或
鄰嫗往來未嘗言及外事波瀾誓不起妾心古井水
氏其有之

張氏董道同妻家無立錐勤鍼工以奉姑二十二歲夫
亡無子遺腹女一嫁後亦逝歷遭諸艱未嘗言苦
李氏高崇華繼妻與姑相依每至親家恐姑不安未嘗
淹留夫故撫前子振鐸振化示以友弟訓已子振教
示以恭兄三子胥遵母教怡怡相處

直隸霍州志

卷下

列女

三十一

向氏閻清秀繼妻事舅姑如事父母二十九歲夫歿尤
循婦道高堂之上唾洩不見衣裳親澣不假手他人
吳氏任玉振繼妻十七歲于歸逾年夫亡氏奉事孀姑
曲盡婦道撫育前子不啻所生

郃氏蒲自進妻拔貢鹽大使益霖之孫媳也夫貿易江
南病故無力歸葬氏年二十八自奉儉約漸積貲財
迎夫柩還安葬祖塋守節三十餘年

翟氏喬應運妻治家儉樸身範端莊二十九歲夫歿冰
霜之節懍懍云

楊氏董秀儒妻二十八歲夫亡翁姑老子女幼氏經營家務遭翁喪貧而盡禮爲子完婚後家亦不終窶焉安氏亢維均妻敦牟卮匱以奉老箴管線續勤以給家夫歿時氏二十九歲

閻氏劉恒念妻二十九歲夫亡家貧子幼氏工於持籌勤於教誨家給饗飧子承弓冶里人稱之

俞氏安奪元側室事親訓子孝慈兼盡年二十九夫亡甘心守節堪維風化

謝氏董邦甸媳也氏夫醮之以一子承祧三門姑黃氏

直隸霍州志

卷下

列女

三十二

早寡娉氏爲三門婦十七歲夫亡誓以身殉姑曰我老矣汝長嫂高氏亦老嗣子道亨誰供給以繼書香氏涕泣受命刺繡度日不履母家後道亨逝孫振常幼穎悟撫育教訓甚費艱辛族人贈句云詩書綿異日節孝萃同堂

任氏董培本繼妻二十九歲夫亡淡泊自甘安分守節閻氏董培植繼妻夫以讀書積勞成疾氏進湯藥勤洗滌期年不懈二十七歲夫歿履潔懷清始終一致

劉氏邢培錡妻二十三歲夫歿躬親紡織事姑克盡孝

道教子頗有義方

劉氏薛培榮妻年二十七夫故姑老病衰氏甘旨奉親無時或缺篝燈紡績伴子讀書俾之成人以延夫嗣郭氏成名揚妻夫故氏年三十值家中落氏不厭糟糠勤事女工苦節自勵

喬氏李爭春妻夫故氏年二十八奉侍衰姑能得歡心訓誨幼子頗著慈愛

張氏韓開基妻二十九歲夫歿家小康氏崇實黜華一粥一飯亦不輕費儉約自守處順若逆姪鳳潮爲嗣

直隸霍州志

卷下

列女

三十四

靳氏薛知陰妻二十七歲夫亡子逢海甫三歲女未笄氏教導成立未嘗以困苦稍易其志今六十一歲

張氏馬國英妻事孀姑以孝稱夫亡氏年二十九愛養孤兒劬勞備至旣而子逝撫育童孫倍覺辛勤

邢氏薛早茂妻二十九歲夫亡家無斗筲鍼指度日後母家弟夫妻偕亡三子俱幼氏恐絕父嗣因住母家衣服飲食親爲造作以冀成立或時撫姪悲父淚常沾襟戚族稱之

王氏廩生薛早豐妻十八歲于歸夫病癆疾氏親奉湯

藥侍牀褥者累年及夫歿撫棺哀痛水漿不入者十餘日苦節四十載身範端嚴未嘗見有笑容

安氏千總任晉藩妻十七歲于歸舅姑早逝氏與夫相敬如賓夫素有喘病每冬月增劇盡力調護不令外出及夫歿氏煢煢獨立悲憤遂成瘋疾越四載卒

荀氏劉行英妻二十二歲夫亡無子家貧氏奉事高堂以敬以孝鄰婦言再醮事則正色拒之循分守節氏其有焉

劉氏張蔚春妻二十歲夫故度日艱辛氏勤事鍼指奉

直隸霍州志

卷下

列女

三十五

姑撫子孝慈兼盡今五十一歲

周氏庠生劉居常繼妻二十二歲夫亡十指度日未嘗言苦遺腹子恒特完婚後亦逝境遇多艱里人憫之劉氏武生段從龍繼妻性安詳姑素有風疾左右奉侍未嘗少離洒掃姑室務必躬親二十八歲夫歿安分循職一如夫在嗣子瀛可捐職州同

薛氏監生程宗魯繼妻二十四歲夫亡甘貧守節克全始終今五十六歲紡績猶不少輟子錫龍錫盛

朱氏程培棟繼妻二十六歲夫亡家貧遺腹生子布衣

粗食省儉度日恩養訓誨冀子成立

楊氏郟國華妻奉繼姑克敬克孝二十九歲夫故子清
聲方十歲飲食教誨俾克成立後子逝氏悲痛致疾
卒親戚憫之

張氏從九閻長庚繼妻二十五歲夫亡事親克盡孝心
處叔能敦嫂誼慈惠撫孤冰霜勵志洵有孟母之風
無忝共姜之義子正薰監生

賈氏閻沐慶妻二十四歲孀居遺子庚辛未週歲氏上
事重老得其歡心下撫弱息克承夫嗣今五十一歲

直隸霍州志

卷下

列女

三十六

張氏韓榮甲妻二十七歲夫歿僅遺二女時家遭瘟疫
姑與女俱亡翁老且病氏痛家業之薄嗣續之艱費
盡心力支持門戶鄉里憐之

武氏范多識繼妻十九歲夫亡氏撫棺號泣復檢點衣
裳俟夜靜投繯自縊家人勸以似續無人乃止後撫
姪安國爲嗣教養直如己出

張氏韓象午妻二十九歲夫歿家單寒子女俱幼氏紡
績度日以給婚嫁艱辛之狀實難殫述

李氏楊九華妻二十九歲夫亡氏誓從地下姑勸之曰

吾與爾翁老矣無汝誰撫孤者氏隱泣應諾後子生
孫克延家緒

安氏范五桂妻二十二歲夫故家徒四壁膝下無嗣氏
甘貧守節晝則績麻夜則刺繡以爲衣食之資後撫
姪爲嗣家亦漸裕年四十餘病篤囑曰汝得有今日
皆我勤苦所致克知治家艱難吾死無遺恨矣遂卒
田氏張琳之妻二十八歲夫故家極貧苦子方週歲矢
志守節子長欲其就傅艱脩脯資氏勤紡織撫子而
教之燃薪照讀後子習申韓術游幕衣食不匱皆氏

直隸霍州志

卷下

列女

三十七

教養之力

田氏安長庚妻二十一歲夫故翁姑衰老遺子穉幼氏
上事庭幃孝養無缺下撫弱息劬育彌勞三十年茹
苦自甘不可言狀後子象賢克孝氏遂得享遐齡焉
劉氏薛如藻妻二十九歲夫故乏嗣僅一女氏孝養翁
姑精五飯縫衣裳左右承歡真能以婦代子者後撫
姪爲嗣克承夫祧

薛氏劉致遠妻二十九歲夫故氏紡織自給食惟麤糲
守貞四十餘年人比之松筠勁節

王氏高鵬程之妻從九清輔長女也二十六歲夫亡遺孤方三齡翁姑俱老奉事極誠守節撫子誓不再醮次年得疫疾卒

陳氏高如岡妻二十一歲夫亡僅遺女一嫁後亦逝氏孝事高堂無忝婦道翁姑歿喪葬悉遵禮制後撫姪可潤爲嗣雖家業涼薄績麻織布井臼操作宴如也賈氏閻逢春妻二十八歲夫亡衰翁在堂家業極薄遺子穉弱氏於奉翁之餘憫兒零丁孤苦加意調護一切衣服飲食悉取諸紡織焉

直隸霍州志

卷下

列女

三十八

成氏張春芳妻二十九歲夫故家無斗筭遺三子皆幼氏終歲織紉不敢少休有謂其太勞者答曰吾所以食貧作苦者爲母子養生計耳儻憚其勞必凍餓斃矣子長租田種植同力合作家貲稍裕

成氏張春海妻十九歲于歸二十八夫亡室家空匱度日艱辛氏昕夕紡織以禦饑寒撫姪錦繡爲嗣慈嚴兼盡遂克成立現年六十一歲

段氏李廷林妻十七歲于歸二十七歲夫故家甚貧窘朝不謀夕力貧茹苦日勤鍼黹以資衣食女二子一

氏爲之訓養爲之婚嫁鞠勞備至現年五旬有餘志操確然鄉黨咸稱苦節

荀氏張明德妻二十九歲夫故子方二歲女六齡後子女均亡撫養內姪以延夫嗣現年五十七歲

李氏王開琳妻夫故年方二十哀慟幾絕執義自誓孝養翁姑歿葬無違禮遺子幼弱氏百計保護受盡艱辛人不能堪而志操愈勵迄今繼述不絕皆氏守貞所致

成氏王開璋妻二十二歲夫亡遺子鳳翔僅三齡氏飲

直隸霍州志

卷下

列女

三十九

食調養不使外出及長敦請名師嚴加訓誨每從塾歸必問讀何書識幾字皆使背誦而後喜嘗語子曰汝能讀書上進方不負母勤勞子蒙母訓克振家聲張氏高嘉品妻十七歲于歸越二載夫故子五桂方在抱家業蕭條氏勤鍼黹以撫育孤子比長見母勤苦嘗爲流涕氏謂子曰人能青年自勵則苦有盡時儻耽安逸而苦無窮期矣子感悟經營家務遂致小康閻氏劉耀光妻二十二歲夫亡朝夕哀毀誓死不嫁遺子孱弱多病四齡不行氏旣憂家道之寒又憐孤兒

之弱兩念交迫形勞神傷遂得心悸病卒

武氏張清秀妻二十五歲夫故衰姑在堂二子均幼欲生貧日難度欲死老少靡託處兩難之境矢不二之心紡織勤勞心力俱瘁里人憐之子從九沛澤沛發張氏廩生劉玉堂繼妻二十八歲夫故事翁姑克盡孝待前子不啻所生內外宗婣咸無間言現年五十一歲子向任亦能自立

閻氏廩生蒲時成妻十八歲于歸二十七歲夫卒守婦之貞節比共姜代夫盡職孝愈曹姑遭遇雖極困頓

直隸霍州志

卷下

列女

四十

訓子克著嚴肅可稱松筠勁節巾幗中之錚錚者現年五十二歲

梁氏李廷獻之妻十七歲于歸二十九歲夫歿遺子二長儒玉五歲次儒珍方七月家極貧苦內外無依氏紡線織布以度光陰撫育二子時勤訓迪克底成立現年四十九歲

荀氏李春福之妻十八歲于歸二十六歲夫故遺子幼穉撫養成人衰姑病奉侍湯藥不解帶者累月沒年五十五歲子秀峻

閻氏張清標妻二十八歲夫故家貧無度遺子二氏勤於織紉終歲不輟後子成立諸孫繞膝人胥謂苦節之報現年七十五歲

成氏劉國棟妻處士元晃女父信佛持齋氏幼從父教四書觀音經勸善諸書皆成誦深悉其義十七歲于歸二十三夫亡遺子亦卒家貧或勸其再醮忿恨作十字文語俗意真見者罔不悲傷族人以聖經性天理曉之者氏頗知悅慕亦能晰其意旨云

烈女

龐氏任承惠妻夫業商累債求飲未獲歸語氏曰吾計窮矣何以生爲氏勸慰次早出久而未歸使人覓之已投井而斃矣安排殮具畢是夜縊於柩側遺絕命詩曰婦人之義從夫爲榮夫旣死矣我何以生聞者無不流涕

楊氏武爲翰妻夫以苦讀嘔血常卧牀褥氏奉侍湯藥不離左右及夫歿痛不欲生家人授飯輒陰棄之延十餘日卒時年二十七歲

直隸霍州志

卷下

烈女

一

王氏房凌雲妻事孀姑色養備至十九歲生一子未及三週夫歿誓以身殉每暗飲冷水家人勸之卒莫能解未幾卒今孤子聰穎有成人望

胡氏趙駿聲妻二十五歲夫故祇一女未週歲氏兀坐柩側如顛如癡家人勸其哺兒亦不應未幾母女俱斃洵屬節烈堪憫

劉氏朱九齡繼妻二十五歲夫亡氏匍匐痛哭躍至棺前者再家人解救乃免將停柩氏囑曰可留餘隙以爲伴夫地也次日如禮成服飲鴆而歿

韓氏乳名賽女韓修已女西張村人年十五歲許配楊
棗村成來仕之孫黑丑爲妻未嫁而壻亡氏聞信哀
毀誓死不再醮父母憐其少陰使人諷之改適女泣
曰吾聞烈女不更二夫親如不諒此心便當一死從
夫於九泉耳父母不忍復言他日舅氏私爲擇壻有
將委禽者氏聞其故夜間服毒自盡父母哀悔無已
告知夫家送歸其柩合葬鄉人聞之無不流涕光緒
五年楊州尊訪查確實書貞烈可風匾額旌其門

賢媛

程氏庠生董奎照妻監生若麟公長女孝事翁姑慈撫
子女治家以勤儉爲本立身以敬謹爲先厥後夫婦
偕老子孫繩繩相繼洵爲閨閣女宗堪徵福德之報
子栽培庠生因培監生聖培從九孫家興保薦教諭
餘俱援例

任氏廩生朱鳳彩妻生員任永敏之女敬事兄嫂勤苦
自勵生一子四女而夫逝週年子媳俱卒孫根本方
在抱氏以禮葬夫並葬子媳諸女妝奩從豐不少各

直隸霍州志

卷下

賢媛

一

惜孫稍長欲其克繩祖武因家單寒就商氏壽六十
四病篤囑曰吾奔汝祖手澤後人能繼吾瞑目矣其
曾孫玉海食餼有聲鬻序

吳氏太學生董培風之妻年三十三歲勵志守節撫育
四子成立其幼者得領鄉薦膺教職署撫院王特給
勁節流芳匾額

邢氏韋秉良之妻性端嚴克執婦道中年夫亡子幼勤
儉治家義方教子雖家非素封處鄰里親族猶多周
恤卒年八十有三子孫亭亭玉立

朱氏從九劉思謨妻監生居莘母也少嫻姆教于歸後
孝事孀姑禮節無失中年遭夫歿四子俱幼氏支持
家計撫孤訓養備極勤勞其他恤寡憐貧鄉里至今
稱頌次居總從九四居鶴守禦千總孫穎儒庠生

續刻直隸霍州志

藝文

重修聖廟碑記

本州華 典 津門
知州 華 典 人

風化者人心之本也學校者風化之原也而端風化興學校綜其成者在有司而贊其成者則在衆紳士霍郡學校之建數百年其間修理補葺亦十餘次然自乾隆五十九年大修之後又五十載於茲矣癸卯嘉平典奉命來牧斯土謁廟見其殿宇荒蕪牆垣頽圯蓋有不可不急爲修理者因首捐金二百以爲闔郡倡爰請諸同

直隸霍州志

卷下

藝文

一

城共議之學正薛君副齋常君州尉趙君莫不踴躍樂從願勸其事甲辰六月招集紳民共議捐資並延諸紳士勸諭之數月之間共捐七千六百餘緡嗣因工程浩大經費不敷學正薛君又詣趙靈兩縣面懇各大令代爲勸捐陸續又得錢一千數十緡擇於乙巳仲春八日開工典思工程無論大小官紳俱當認真因率諸紳士誓於神前曰秉公辦事無欲則剛絲毫染指子孫弗昌諸紳士亦各矢誠矢敬勵志從公於是度工量地擘畫經營而段落紛繁一時不能兼顧若次第修之又未免

曠日持久爰擇衆紳士中之老成諳練者分治其事而以董翟二君司其總各督各工各修各段鳩工庀材協力併作五閱月而已屹然並立巍然可觀大成殿龍蟠繡柱鳳簇雕檐則增貢生朱君聖時之所監修也尊經閣石壁差峩松挺高聳則武庠生程君樹業之所監修也明倫堂階步青雲座排絳帳可以聚生徒可以講道藝則署朔州學正董君殿元候選訓導翟君文標之所共修也櫺星門頰宮池翠蕙碧瓦玉檻朱欄崇隆以峻其勢疏鑿以就其深則貢生任君汝棫葉君繩祖之所

共修也其他崇聖祠兩廡兩齋兩庫兩牌樓戟門照壁宮牆以及名宦祠鄉賢祠忠孝祠皆數人分理之傾者起舊者新欵者中隘者闊斲礮如式黜堊得宜不濫一工不浮一物諸君子可謂視公事如己事者矣而且不畏艱辛不辭風雨早至暮歸自備資斧雖茶水之微尙且惜之而大工之毫無虛糜可知已而諸君之秉公辦事可知已從此賢士奮興人才蔚起典於諸君之子弟有厚期焉且於合郡之諸生有厚望焉落成後學正薛君請典爲記典嘉薛君督飭有方霍郡諸紳士辦事之

公樂善之篤而並喜其告成之速也是爲記

創建劉猛將軍廟碑

壬子進士
本州知州 恒海 滿洲人

從來事名有類於創始而實仍因其舊禮徵三代損益相因踵事增華事半功倍人之輸將恐後與事之不日而成者必非無因而至海之創立將軍也近是將軍名承忠元時官指揮因驅蝗故封保康而載祀典年來山右蝗害烈甚霍之屬獨無蝗將軍護佑斯民之功昭昭如也海權牧斯土欲答神庥因謀諸少尹鄭小峯並聚霍之紳耆議建將軍之廟恐勞民力傷民財創立之舉

直隸霍州志

卷下

藝文

三

誠非易易城之東南隅有田祖廟祀聖王蚩蜡土穀諸神殿之東有配殿一間因重農事故而祀將軍於其內亦固其所海首捐廉並募諸商民共成義舉推少尹暨紳耆董其事越兩月而工竣是舉也首立將軍之廟創也並祀將軍於田祖之廟則因也規模仍舊黜聖略施昭其儉也廣廈新增禮隆拜跪昭其敬也詩有云田祖有神祀田祖而農之利興又云去其螟螣祀將軍去其害農者而農之利益興霍之農迎猫祭虎重農事者必於斯烹羊炰羔樂農事者必於斯因此而三時不害千

耦其耘仰荷神庥千斯倉而萬斯箱陳陳相因霍之農
宜善其因矣則又海之厚望也夫

捐備霍州文生鄉試資斧記

華典

霍邑據山川之勝州城當冠蓋之衝靈秀鍾矣斯人文
起焉五桂八鼈曾擢巍科於往代千英百俊詎無後起
之賢豪無如省會云遙相去有四百餘里以故賓興屢
遇觀光僅五六十人揆厥由來非江郎之才盡問其所
以緣季子之囊空州牧操教養之權守土有父師之責
爰議捐輸以供資斧本州首出五百緡以爲先施之地

紳士續成千五百貫以申嚮義之誠發給當商十分中
取其一計逢大比三年內用有餘按數均分家道豐盈
者聽其自便乘時應試向來寒素者無俟他求從此室
空無慮羣思雁塔之名共欣川費有資穩步鵬程之路
矣但事垂永久更切隱憂仕宦中賢愚不等紳衿內純
雜攸分自本年仲春之始爲發商生息之初如有不肖
官紳欲作鯨吞之舉許爾秉公士庶莫應蠶食之求誰
非白屋逢時便作公卿我亦青衿舉念難忘學校謹書
條約十章用勒貞珉一額倘後之賢牧念切斯文繼長

增高隨時加益較斯舉爲尤盛焉亦予心所厚期者並
鐫原案用示來茲

會試資斧暨鄉試卷費記

本州知州賈聯芳 陝西人

國家鄉會開科士子通經術能文章者將欲本其所挾
持以求售於一試往往遠極徼荒不憚航海梯山而來
會功名之際易於動人固如此乎然考制科之設始於
有唐當時寓京師者輒謂長安居大不易夫長安信不
易居長安尤不易至關河道遠舟車之費糗糧之資苟
非囊橐充裕鮮不阻滯中途士有勵志芸窗倖邀鄉薦

直隸霍州志

卷下

藝文

五

而歷數科未能治裝北上者曷可勝道聖人繫旅爻一
則曰懷其資再則曰得其資斧是豈無所見而云然哉
憶丙辰歲奉命來牧霍甫下車卽約期課生童見其天
姿秀發學力沈潛誠不乏美材乃年來登賢書者尙數
人而春闈捷南宮僅一韓君毓午且屆期多不請齋者
推原其故僉以霍州地瘠民貧士半兼農否卽以筆耕
爲業每歲所入將事畜之弗遑奚暇遠圖矧自軍興以
來帑藏支絀並前此給發會試資斧之二十餘金亦暫
行裁撤寒畯之赴春官得不倍形裹足耶惟鄉試去省

較近兼賴前牧華公籌有資斧一項以此人稍多彼時
卽擬代爲籌款而戎馬倥傯霍以山城當孔道支應不
少休遲遲未發職是之由近今軍務漸平^余又年邁力
衰日思引退而多年未伸之願倘竟不思所以相償其
如有負初心何特倡捐俸廉銀四百五十兩公積銀二
百五十兩更勸城鄉義士量力書捐湊足千金以年利
一分歸錢行生息定爲會試資斧鄉試卷費稟明上憲
存案因思文武一體也霍之武公車本無幾自宜一視
同仁但經費未豐不能不微分差等而文武鄉試之卷

價卽於其中取給他若中副車膺選拔獲優貢之赴京
朝考者亦罔不推而及之俾共馳驅於 皇路本此意
商諸紳士皆曰是舉也上以副

朝廷作人之化遠以補華公之不及而隱以振興霍之文教
武備焉所謂一舉而三善得矣蓋記以文勒諸貞珉永
垂久遠余惟從來作事非創之艱守之維艱竊願州人
士與後之牧斯土者鑒茲十數載籌畫之苦心交相保
護維持於勿墜也則幸甚

敬惜字紙碑記

董殿元
州人

伏讀文昌帝君敬惜字紙文及惜字真詮十二則惜字功罪律而知世之身享富貴壽登耄耋子孫榮顯安樂無災殃者大都由敬惜字紙來也乃惜字爲致福之源而愚昧者限於不知聰明者誤於不信或則糊房襯裏或則裏物取便或則殘章委棄或則零字淪湮以及燃鐙拭穢換物賣錢甚至婦女剪樣夾線市坊襯鞵黏鞵種種作踐視爲故常不知天地早爲震驚鬼神早爲含怒促壽削祿貧苦夭折報應之捷如影隨形觀之古今勸善諸書所引某某等類固可信可徵瞭如指掌而輕

棄字紙者終未能翻然悟惕然悔殆亦提醒此事者之不夥也夫自朝廷以及官紳士庶無一事不藉賴於字卽無一人不宜敬惜字紙元等爰集同人聯爲惜字會各解已囊努力捐輸共計得錢貳伯千出放生息以圖久遠年來所得利息用以懸挂字簾於閭巷覓人徧拾於街市收買殘書廢紙及一切淫書小說朔望焚化灰則遠送流水或埋高處淨土並裝訂花樣紙本易換婦女冊籍更勸同人凡關人性命繫人名節與閭人骨肉離人婚媾一切損人利己之字尤當惜之果人人皆知

惜字人人皆得獲福行見士登科甲農擁倉箱工賈利
積贏餘卽不列四民者亦得易貧賤而漸致富貴豈非
人之快事哉豈非元等之所甚幸者哉

南關修路碑記

董醕之
州人

蕩平有慶書頌大夏之遵王障塞無虞禮詳季春之開
道旣崎嶇其當闢步穩蠶叢亦窪窞而宜修掌平驛路
霍城南門外衝居孔道側界長流午羽北來遙通幽燕
之地庚郵南遞逕達秦蜀之邦洵轂擊而肩摩征塵罔
歇必瓦除而榛翦行色無難乃者渠溜潰沖汾河浸灌

矢直變爲弓曲紆而且窳轍痕泛有泉流陸反需渡水
連罨尾別無假道之方泥擁岸頭尤礙宵征之客甚至
僕夫屢召動不免於曳輪將伯誰呼空自嗟乎輸載惆
悵復惆悵縱策王尊之馭叱也易疲踟躕又踟躕借興
李白之歌難乎其甚所幸州尊張公祖下車而後敷子
惠而顯示周行又得少牧丁父臺襄政之餘協寅衷而
肅清要路念千里百里勞勞者恒苦衝泥看上田下田
或或者何堪取徑羌乃首捐廉俸面命繕修知有欲以
從風出示徧諭蒼赤兼責成於不日乘閒無擾青黃一

時同事諸君子制仿合方力宣司險覓役矢築筭之志
是究是圖畫工爲集腋之謀且捐且募選蚨助款旣幸
鄉人之輸誠立馬解囊復蒙過客之仗義工始於辛亥
夷則事藏以壬子夾鍾岸內土填深逾兩笏隄旁石砌
長拓百尋靡泉布六百餘縑重重整飭計水窪九十多
丈一一坦平並籌羨貲北補葺於雉堞之北更導前路
南開通於虹橋之南行見如砥興歌無偏作頌衢亨符
泰軌順拱乾雅可展驥策騶穩馳心轂便宜鑄螭篆蚪
臚載頭銜謹隨眾力而告功欣覘

皇圖之鞏固爰綴弁言以紀事定卜永世之平成

重修文昌廟記

華典

霍郡文昌帝君廟舊建祠於城之南北郊康熙三年癸
卯春前州三韓張公始議遷於學宮之左然僅三楹而
已三十年淑庵朱公來牧斯邦乃召諸生而增廓之創
大殿三楹於北以正神位列廟舍十間以備廚庫牌坊
巍聳以補文峰樂樓崇高以報功德門樓峙於巽地牆
垣拱向離方其原建供神位之處則作爲中庭以備齋
宿憩息之所由此五桂八鼇稱極盛焉又五十年紳士

賀琦等醵百金以備香火地畝所餘之資僅將中庭略
易之至嘉慶十六年前州葉公因樂樓欠缺復重建焉
並將前後修葺之然於今三十餘年矣棟宇摧殘牆垣
傾圮有不可不急爲修理者道光二十三年癸卯典泣
茲土謁文昌殿心怦然焉因集諸紳士共議重修之舉
僉曰可逐從文廟捐項內撥六百餘緡以爲經修之費
舉紳士朱君點奎董其事自二月初吉開工至六月杪
工竣正殿易棟飾楹煥然新矣中庭起檐揭瓦巋然正
矣庫廚十間彫殘已甚爲之重起而新造焉樂樓及圍
牆或重築或補修無不整齊而完固焉從此薇垣朗耀
高霏丹桂之香奎壁遙臨矗上青雲之路闔郡文風蒸
蒸其日上乎是工也經費無多而修葺美備雖諸紳士
之贊成要皆朱君辛苦經營之力也用勒貞珉以識盛
舉

重修南塔文昌祠序

廩生
朱鳳彩

州城南嶺霍之文峰也前明嘉靖間州尊臨漳李公築
塔其上復建文昌祠以衛之霍之科名遂稱最盛旣久
漸就傾頽雖屢加修葺而地勢高峻剝蝕尤易庚辰仲

春公舉彩爲元年香首拜謁之日入其門苔蘚則盈砌也瓦礫則滿區也入其庭舍宇則星觀也梁柱則雨浸也憶補修不數十年而荒涼竟至於此謀欲重修同事人多有難色越明年辛巳擇舉急公好善者爲二年香首質以此事欣然樂從於是合新舊十六人稟於州主劉公祖大人幸蒙首肯擇吉動工乃量工估貲首舉募化總管次具請捐印帖各備餼糧鳩工庀材凡有損折者傾欵者滲漏榛蕪者靡不易之植之補之治之外增神龕屏門殿前月臺後亭塾龐移安魁星前後花牆大門門樓共費錢若干是役也雖與臨漳李公振興儒風之意不敢附會而前後改觀行見文星有主巍峩碧落之間帝座垂休璀璨霍汾之麓未始不足壯我郡之色也今諸事告竣計興工於元年二月落成於二年四月謹勒諸石以俟後之君子繼此而起者得知其顛末云

城隍廟增飾神像及重修碑記

知州

山 禹

城隍之神無處無之故厥廟徧建於天下蓋由其能保障地方護佑家國然祀之者不爲淫而享之者不爲忝也余奉命守霍於茲二載霍爲三晉之衝郡徭繁賦重

地瘠民貧加以輪蹄之往返不停藩府之供需無已里
甲流移十存五六其困頓煢苦之狀良可矜憫而禮樂
之化不聞久矣余方朝夕警惕不違安處日求所以保
民節財之方使皆脫塗炭之苦而登之於春臺之上以
冀夫禮樂之興但心雖切而力所未逮也所望者神
之靈默有以相之所賴者神之力默有以助之何也蓋
明則有禮樂幽則有鬼神二者相濟然後可以當行於
世世人固有肆然於禮樂之化者顧其於鬼神則兢惕
焉豈非其在鬼神者有所不可測在人者猶有所可入

乎卽其不可測趨善避惡以不詭於禮樂則神道者固
所以濟人道所不及也况雨暘時若疾癘不作時和年
豐使民熙熙皞皞以相安於無事之天則富足之後禮
樂心生庶禮樂其有興乎此固神之靈也亦神之功也
神之所以享廟食於無窮而居司牧者竊亦有榮焉此
余之所深望深賴於神者也而亦民修飭之意云是廟
創建於大元黃慶三年重修於大明嘉靖五年歷年旣
久風雨摧剝日就頽敝瞻仰抱歉郡民張汝梅輩集財
督工誠心修飾增其缺新其舊規模壯麗金碧輝煌懍

然爲一邦之保障而奉香火者斯足以遂其傾仰之心矣工始於隆慶三年二月竣於隆慶五年四月余忝茲牧樂觀厥成故不辭而書之

創建雙塔碑記

董醅之

今將育造鳳之奇才卜登龍之嘉會發升庭之藻采蔚華國之人文則必勉力學修潛心陰隲深體顏曾思孟之道博讀周程張朱之書然後人抱隋珠家懷荆璞修德獲報斷無不售之文章爲善必昌豈待乞靈於風水然而一峰當面朱尚書世爲王師萬笏朝天范文公代

出良相崧生嶽降造化有時洩其奇水勢山形堪輿遂得伸其說霍郡風純俗樸土瘠人勤黃卷青鐙不乏好修之江泌甲科乙榜率多抱憾於劉蕢屬在吾儒但愧人之不傑質諸相士僉云地之弗靈乃覘來龍於良埠乃筮吉象於巽方謂雙髻可符聯捷之占謂三台更得連科之兆聞者唯諾議者排疑適幸鬱林文州尊澤周合郡望學成兼望名成又得津門華公祖化被通庠培士氣並培地氣後先諾請新舊興工初建一峰續成雙塔分排翼室環繞圍牆豎閣以祀文奎購地以圖養贍

舊工肇於壬辰孟夏三閱月而成靡金八百有餘塔址
在閣之北新工始於丙午首秋兩逾月而竣靡金六百
有奇塔址在閣之南一時彘水鍾奇龍溝拱秀揚鷹鳴
鹿連年報捷於秋闈起鳳騰蛟若者獲售於春試從此
人材迭起科第綿延紫閣飛騰高相國之勳業定有替
人
彤廷黼黻賀翰林之文名無難嗣響士人愈能勵志風水
益以效靈於焉千英百俊之靡窮豈徒五桂八鼇之足
羨是爲序

直隸霍州志

卷下

藝文

十四

南城外嬰兒塔記

戊辰進士
書院山長 馬應午 陝西人

月令孟春之月掩骼埋胔論者謂天氣下降地氣上騰
王者布德行惠下及遺骸所以體上帝好生之心而兼
彌疫氣於未發也夫一民一物之不得其所足以召疾
厲而此鬻體之紛擲原野者仁人君子必思有以瘞埋
矣况孩穉血肉之軀顧忍聽其狼藉哉霍州南城外舊
有嬰兒塔進士朱公諱鼎漣者所建也後以年遠崩圯
迷其處不可得數年來州人子女之少殤者捲席棄路
隅風日之所銷融犬狼之所饜飫鳶鳥之所攫拏路之

人有終日而一見者焉有終日而數見者焉噫此孰非
父母精血之體而拋擲不少惜其傷心慘目爲何如耶
紳士董家興憫焉置地建塔復朱公舊舉囑記於午午
嘗謂天之於嬰兒猝生之復猝殤之其氣化不可以常
理解而董公之爲置瘞所者獨足以補造化之隱憾焉
是卽仁人君子澤枯骨遺意也遂樂誌之

重修火星聖母廟碑記

本州知州 葉峻崑 江南人

蓋聞水火所以養人並有神主之而火之於人也尊而
不親是以垂象於列宿古之火正或食於心或食於味

直隸霍州志

卷下

藝文

十五

以出納火故味爲鶉火心爲大火昔陶唐之火正閼伯
居商邱祀大火而火紀時焉其所繫豈淺鮮哉我國家
昭垂祀典凡有功德於民者咸肅明禋而於祝融之神
爲特重亦以能上順星精用弭天災俾錫福於蒼生耳
恭惟 火星聖母之立廟於霍州也以中女之尊秉重
離之德神靈響應震疊邇遐俎豆馨香由來已久自前
明嘉隆以迄今茲代著增修立碑記事自余蒞斯土後
榆檀遞易四境安康非荷神庥何以臻此爲肅然起敬
而都人士以歲久失修來請於余將重施丹堊永奠神

居余謂神無大小但能保障一方卽宜謹敬奉祀矧正南方之位握陽燧之權赫赫明明利賴於無窮者乎亟與倡議捐資鳩工葺理一時遠近官宦紳士以及富商大賈咸奔走樂輸咄嗟而就香首張繼緒等飭材庇器不辭勞瘁遽得觀成不日廟貌一新猗與盛哉自前以往合郡內外壯觀瞻而綿香火行見聰明正直乂我黔黎其在易曰受茲介福于其王母豈不信哉事旣竣余旣嘉都人士之効工而愈以欽神威之所被足以感攝夫人者不疾而速不行而至也爰爲記其始末俾勒於

石且係以銘銘曰天街宰化下土流光合德在柳並次於房法宮寶相服袞佩璫載虔厥初俾壽而康於赫聲靈肇修堂構有挺有閑于登于豆奉茲聖母比諸天后億萬斯年惟霍是佑

明贈大理寺卿成忠毅公傳

河濱文選

李

楷

朝邑人

公諱德字元修號赤公山西霍州人中崇禎辛未進士歷仕至兵部武庫司郎中崇禎甲申之變梓宮方暴露一時諸臣莫敢過者公獨具羹簋哭祭於其前卽自刎而死天下悲之當崇禎帝之時寇形鴟張樞臣失計將

士不用命利有賊以爲資秦晉楚豫之間騷然屠殺者二十餘年天下財賦耗於軍興然未有敢明言其將及社稷者以故濠梁有陵寢之慮中州失磐石之宗所至城邑鮮能嬰守而朝中猶詭欺苟且一時之安比以孫督傳庭晉代州人也率陝兵援河南失利賊入潼關僭位號而京師始知震恐然無備也癸未冬事賊渡蒲州而北時帝密議南遷不果言者皆以爲國君死社稷臣死君帝素好名乃決意於守三月某日賊逼都門有某宦官降于賊者帝方召問計曰臣不敢言惟有降耳帝意不可與宦

直隸霍州志

卷下

藝文

十七

官王承恩

同經於煤山當是時臣之殉難者俱在別傳公

以小臣不卽死蓋不知帝死所故隱忍以待亡何賊昇帝於某街翼柳不備行道涕泗公見有躍馬而趨者弗爲下心竊慟之故與母張氏妻劉氏妾蕭童氏子某訣而遣之乃以身殉國焉其後有金壇王某者撫其孤而婚之人以義稱

野史氏曰成德其仁矣乎能死於君之側得死所矣大臣受恩深乃多負國者小臣而死豈非烈士乎嗟夫向使帝早知其賢而用之何至今日用人者何人與

困學緒言

前明州學正 曹端

曹月川曰周子所謂無極而太極者蓋謂無形象無聲氣無方所極謂至極理之別名也太者大無以加之謂天地間凡有形象聲氣方所者皆不甚大惟理則無形象之可見無聲氣之可聞無方所之可指而實充塞天地貫徹古今大孰加焉解無極而太極可謂言近指遠周子曰聖可學乎曰可曰有要乎曰有請問焉曰一爲要一者無欲也無欲則靜虛動直靜虛則明明則通動直則公公則溥明通公溥其庶矣乎此數言括盡太極直隸霍州志

卷下

藝文

十八

圖之妙朱子所謂學者能深翫而力行之則有以知無

極之真兩儀四象本皆不外乎此心者也

汪稼門制府可靠說

前任霍州汪志伊人安徽

或有問於余曰處事難交友尤難一遇疑難事雖良友亦不可靠君平生可靠者曾得幾人余應之曰良友誠不易多得余生平只有二友可靠耳或曰二友爲誰曰情理二字是我一生性命之交凡遇事之紛至沓來加以人言混淆幾難自主之會卽平心靜氣默默與二友相商酌之理而是非立見準之情而可否益明中有所

見堅以自持毅然爲之而不顧或曰子之性未免固執
或情以時殊理以勢阻將若何余曰我更有主人翁可
靠矣或曰主人翁抑又何說余答之曰命耳成敗利鈍
有主之者不知有主而靠之利害搖於外趨避攻於內
吾其何以爲吾耶吾非敢任吾性也凡事非信於理之
所當爲卽出於情之不容已而時與勢胥退而聽命焉
如此而天下復有何事足以相難哉

鐵牛碑序

霍牧
西泠鍾璉

是牛也相傳唐尉遲鄂國公鑄造以制汾水保障城池

直隸霍州志

卷下

藝文

十九

嗣後土人偶遇風清月朗遙望西河放光採食田苗因
於萬曆二十二年夏五月加鐵柱繫之意牛之通精靈
護風水所關固非淺鮮亦實往來行人過此一大觀也
是爲記

禁種罌粟四字諭

恪靖侯大學士陝甘總督 左宗棠

諭爾農民勿種罌粟外海奸謀壞我華俗藉言療病實以縱慾吁我華民甘彼酖毒廣土南土吸食不足蔓延秦晉施于隴蜀土敞不長榮必肥沃惡卉繁滋廢我嘉穀紅花白花間以紫綠剝果取漿兼金一束欵枕然鐙俾夜作晝可衣無棉可食無肉盜可無糧棧可無豆惟腥是聞惟臭是逐農輟耒耜士休卷軸工商遊嬉男婦瑟縮小販零沽蜷聚破屋家敗人亡財傾命促亂後年荒民生愈蹙俵賑督耕散種給犢移粟移民役車接轂

直隸霍州志

卷下

藝文

二十

言念時艱有淚含目勉摻顆粒聊實爾腹爾不謀長白求饘粥乃求惡卉奸利是驚我行其野異華芬郁五穀美種仍憂不熟自夏徂秋品物滋育黍梁糜穀瓜麻棗菽亦越生菜家常野簌葱韭葵莧菘芥菜菘宜食宜飼如彼苜蓿鉏種壅漑饗飧可續胡此不勤而忘旨蓄饑與饑臻天靳爾祿大命曷延生聚曷卜尙耽鴉片槁死荒谷乃如之人甯可赦宥自今以往是用大告罌粟拔除禍根永劓張示郵亭刊發村塾起死肉骨匪詛伊祝聽我藐藐則有大戮發言成韻其曰可讀

勸戒歌

河南
太守 費庚吉
江蘇人

勸孝

百善孝爲先人子當知道子生三年中辛苦無日了飲食兼教誨愛之如珍寶成人長大時惟恐兒不肖父母卽天地罔極恩難報養親須養心莫使生煩惱若要父母歡兄弟宜和好若要父母安媳婦先知孝爾若能養時神明必相保爾若不孝時誅殛隨時到

勸弟

兄弟本同胞怡怡宜和樂奈何重貨財遽爾輕骨肉奈何聽妻言一旦成仇惡兄弟室中爭父母堂上哭爭產到衙門倫常盡乖錯打兄如打手打弟如打足我勸爾百姓兄弟宜親睦衣裳猶可縫手足不可續孝友一堂春家門必獲福

勸忍

我勸世間人莫如能忍好惟忍乃能讓忍讓家中寶凡事讓三分終身無煩惱明中讓了他暗裏神相保汝若不知忍紛爭何日了小忿且忘身禍患立時到聽我說忍字便知忍宜早唾面還自乾何必生計較張公書百

忍同居各相保忍耐有黃金爾等須知曉

勸仁

仁爲天地心生理本不息天地既生我我當知體貼親
族宜睦姻窮乏須周恤世上苦人多解衣更推食修橋
便行人道路宜收拾寡婦與孤兒時時要敬惜惻隱心
常存處事莫苛刻願天生好人願人種陰德爲善無不
報此語須記憶

勸勤

祖父有遺田爾須勤耕鑿力田乃有秋衣食自然足積

直隸霍州志

卷下

藝文

二十一

糞須要多墾土須要熟刈草必盡除水旱去宜速農夫
若能勤收穫多菽粟商賈要經營百工宜力作請看游
手徒凍餓受窮蹙

勸儉

治生道何如第一貴儉樸但須粗飯飽切勿貪口腹但
須布衣煖切勿穿美服嫁娶莫奢華宴會勿徵逐譬如
收一石五斗食已足三斗好防饑二斗周窮獨節用兼
愛人此理無差錯

戒淫

人各有夫婦姦淫何自起見色動邪心慾海深無底小者喪名節大者亂倫紀爾女被人欺爾恨必切齒爾妻被人戲爾目必怒視爾淫人妻女人心亦如此從來姦近殺頃刻刀尖死何如守禮法夫婦閨門裏萬惡首在淫古語當切記

戒賭

祖父有田產謹守自豐裕祖父傳事業勤習休外務如何愛賭博產業竟不顧賭友日成羣賭賬逃無路室內釜生塵身上腰沒袴從來賭近賊小竊易敗露枷鎖復

直隸霍州志

卷下

藝文

二十二

鞭笞徒受千般苦惓惓一片心勸爾莫須賭

戒烟

鴉片來外夷流毒害非小如何中土人誤食竟不曉幽火夜三更迷魂入鬼道精力日消磨形容日枯槁烟癮滯膏肓性命不可保 朝廷新律例定罪斬與絞爾等愚無知勸爾回頭早一朝拘囹圄受罪何日了曷不爲良民茅簷日温飽

戒酒

病因酒而致怒因酒而猖家業因酒耗言動因酒狂一

飲盡一石沈迷麴蘖香禮貌全不知音容盡改常况復
逞凶頑鬪狠不可當觸犯官長怒枷鎖登公堂苦口爲
爾言願爾民皆良勿飲昏性水勿飲破家湯一粥與一
飯終身滋味長

戒鬪

氣血不可恃百事宜忍受奈何愚蠢徒豪強成習久分
毫計財物尺寸爭田畝忽然鳴不平奮拳更揮手大者
性命傷冤讐結深厚律令最嚴明殺人須斬首聚衆至
三人充軍法難宥所爭在細微何用氣赳赳好勇久成

直隸霍州志

卷下

藝文

二十四

風思之增疾首聽我苦口言第一宜戒鬪

戒訟

我今戒爾民爾民莫爭訟一字入公門九牛拔不動差
役如虎狼訟師暗唆哄官司便贏了他家又上控官司
儻審輸呼號亦無用冤仇何日休妻孥受驚恐爭訟到
三年田產都變弄官斷十條路枉把銀錢送氣死莫告
狀喚醒愚人夢

荒政輯要摘鈔

牧令當行二十條

前任
知州汪志伊編纂

一曰方旱則誠心祈禱二曰已旱則一面申府道三曰
 告州縣不可邀阻四曰檢旱不可後時五曰申上司乞
 常平以賑糶六曰申上司發義倉以賑濟七曰勸富室
 之發廩八曰誘富民之興販九曰防滲漏之奸十曰戢
 虛文之弊十一曰聽客人之糶糴十二曰任米價之低
 昂十三曰請提督十四曰擇監視十五曰叅攷是非十
 六曰激勸功勞十七曰旌賞孝弟以勵俗凶年骨肉不
能相保有能
 寬征催二十曰除盜賊

直隸霍州志

卷下

藝文

二十五

孝養翁姑竭力供祖
父母者當即行旌獎

十八曰散施藥餌以救民十九曰

賑卹五術

宋元祐初河東京東淮南災傷監察御史上官均言賑
 恤有五術一曰施與得實二曰移粟就民三曰隨厚薄
 施散四曰擇用官吏五曰告諭免納夏秋二稅

救荒八議

明嘉靖八年山西大饑叅政王尙綱上救荒八議一曰
 愍饑饉乞遣使行部問民疾苦二曰恤暴露乞有司祭

瘞消釋厲氣三日救貧民乞支散庾積秋成補還四日
停徵斂乞截留住徵以俟豐年五日信告令乞勸分菽
粟六日推糴買乞令無閉遏七日謹預備乞申舊例措
處積儲勿使廩庾空虛八日恤流亡乞所過州縣加意
存恤勿使羣聚思亂

荒政叢言

明僉事林希元疏云救荒有二難曰得人難審戶難有
三便曰極貧民便賑米次貧民便賑錢稍貧民便賑貸
有六急曰垂死貧民急餽粥疾病貧民急醫藥病起貧
民急湯米既死貧民急募瘞遺棄小兒急收養輕重繫
囚急寬恤有三權曰借官錢以糴糴興工作以助賑貸
牛種以通變有六禁曰禁侵漁禁攘盜禁遏糴禁抑價
禁宰牛禁度僧有三戒曰戒遲緩戒拘文戒遣使

救荒二十六目

明周文襄忱救荒有六先曰先示諭先請蠲先處費先
擇人先編保甲先查貧戶有八宜曰次貧之民宜賑糴
極貧之民宜賑濟遠地之民宜賑銀垂死之民宜賑粥
疾病之人宜救藥罪繫之人宜哀矜既死之人宜募瘞

務農之人宜貸種有四權曰獎尙義之人綏四境之內
興聚貧之工除入粟之罪有五禁曰禁侵欺禁寇盜禁
抑價禁溺女禁宰牛有三戒曰戒後時戒拘文戒忘備
其綱有五其目二十有六

救荒正策

顏會元茂猷曰正策有五一日開倉賑貸二曰截留上
供米以賑貸三曰自出米及勸糴富民賑貸四曰借庫
銀循環糴糴賑貸五曰興修水利補輯橋道賑貸令饑
民傭工得食而官府富民得集事也

賑荒之策

一編聯保甲以弭盜賊也年穀順成卽有狗鼠之盜不能爲亂一遇荒歉小民計出無聊謂其飢而死不若劫而死聞粟所在羣起爭貸稍有不從卽行肆奪且曰我非盜也飢民也若持法過嚴則失緩刑之意治之稍寬又開劫奪之門處之之法外貌不妨示以震嚴存心又須憫其愚蠢如柴瑾之封劍命誅王曾之荅釋死囚斯得矣如審係慣盜立卽嚴懲決不可宥飢寒所迫四字豫先橫踞胸中草草發落自古國家

多事每起於荒年之盜賊如前明之李自成張獻忠皆荒年之盜賊也吾願父母斯民者一遇水旱奇災必須編聯保甲其法每十戶爲一牌牌內擇一人爲牌長每十牌爲一甲甲內擇一人爲甲長每十甲爲一保保內擇一人爲保正均須年力精壯明白端謹者方可任事如每牌十戶若有零戶數在三戶以內者則附於末牌之末數過三戶者則與末牌勻分爲兩牌每甲十牌若有零牌數在三牌以內者則附於末甲之末數過三牌者則與末甲勻分爲頭甲其村

莊僅止數家不滿十戶者卽就本村本莊編爲一牌或僅止數牌不滿十牌者卽就本村本莊編爲一甲如牌甲中有平日犯竊及習過邪教並一切犯奸不安本分之徒一體編入牌中准於冊內姓名上蓋用自新二字戳記以示區別編牌後如仍蹈故轍牌甲長立即指名稟究不准一戶遺漏蓋保甲正爲此輩而設倘不編入使成漏戶彼反置身牌外恃無稽察益肆行無忌又安用此保甲爲也如此則不但盜賊不敢竊發卽荒政亦不致棘手矣

一施給棉衣箬笠以禦寒雨也人當流離顛沛之際棲止無定不免冷雨侵膚寒風刺骨若僅給口食不給箬笠棉衣餒雖幸免而溼凍難堪司事者須於點名放賑時豫爲留意見有單寒露體無雨蓋之人卽於冊內姓名下暗記之然後按名散給自無冒濫之弊

撫荒之策

一招募開墾以業殘黎也災荒之後百姓流亡田畝荒廢當以募民開懇爲急務爲民上者先將受害之區分別荒地畝用官定弓步逐段丈量畫定經界編

列字號總計上中下地畝若干查明有主無主分別
造冊登記然後稟請經費設局招民開墾願承種者
赴局報明領取地票無主絕產墾熟後卽准換給執
照作爲己業有主產業限定三年原主能歸家者查
明契據確切在未經播種前到者卽令承種人退耕
准其接收管業在已經播種後到者須俟收穫畢始
准接收管業每畝憑中酌給承種人開墾之資如蓋
有廬舍秉公估價不准借口捐交承種人退耕後官
爲另給荒地以資耕作如原主無力給承種人開墾

之資情願另領荒地耕種者由局報明取具兩造甘
結存案卽准承種人換領執照官於照後批明蓋印
以杜爭端其或原主歸來僅存婦孺有契據而不能
指認者照契內所註地段畝數訪查確實准領田招
佃若契紙証據俱無鄉保鄰佑已絕僅存婦孺逃歸
確能指認地段者另行記檔准其招佃耕種不准價
賣俟三年後別無事故方准領照管業至當業平時
立契價值較昂目下田地荒蕪價值甚賤原主倘以
當年當價昂於目下買價不願贖取者准當主執契

約赴局呈報官爲批明蓋印卽准作爲已業若原主已絕而服內有力親屬願出資向贖者准其贖取若當主契據已失卽將其業歸公另行招墾以免憑空混冒考湘陰左相國頒發新定甘肅善後墾荒章程每領墾上等荒地一畝限定開墾之次年收穫後繳地價錢五百文中地每畝繳錢三百文下地每畝繳錢一百文其半熟之地限定領墾之初年收穫後每上地一畝繳錢二千文中下地以次遞減至應納地丁倉糧統限以領墾三年後查照原額起徵其地價

錢文卽由局按限催收造冊報呈以備丈地紳員薪水及地方公用之需又考湘鄉劉撫軍安輯陝西延綏各郡章程領墾三年後照例徵收錢糧外每畝輸歲租三年自墾後四年起至六年止每上地一畝按倉斗輸租穀二斗五升中地每畝輸租穀二斗下地每畝輸租穀一斗其穀各歸各鄉設立義倉存儲照積穀法存放以備荒歉此皆酌度時勢量爲變通歸於至善也果能於兵荒歲荒之後舉而行之將見三年耕必有一年之積九年耕必有三年之積縱有水

旱蝗災而民無仰屋之嘆是墾荒卽爲備荒之本足
民卽爲裕國之源策無有善於此者總在父母斯民
者盡心籌畫耳

一發借農器籽糧牛隻以資開墾也災稔甫過居民朝
不謀夕一旦招之開墾其農器籽糧牛隻勢必仰給
於官亟宜倣照舊章每戶給鋤鋤鎌杵各一件每墾
田十畝借給食穀一石籽種三斗五十畝給牛一頭
犁一柄或有驢隻能耕者酌減給發開墾後除鋤鋤
鎌杵免繳外其籽穀牛價以開墾第二年扣算起分

三年歸還清楚不准拖欠

出粟救荒說

劉子喆

且荒政以散利爲先保息惟賑窮是務古盛時歲有恙
而民無恙者謀於荒前非救於荒後也近世專尙紛華
不知儉約豐亨所入悉供浮糜一遇荒稔里黨不聞夫
保調施惠徒望之司救夫蠲糧發帑原歌

帝澤之無私而巡野調難必國精之驟及於此欲爲救荒
計宜先籌輸粟之戶擇司粟之人審受粟之家定散粟
之地輸粟之法以富爲衡先分資產之上中以判捐輸

之多寡或倉積無餘出貲財以備菽粟或家貧向善僅効力以供奔趨稱量而出各盡所長設本地不能措辦卽鄰村亦許通融司事之人不必以富論也老成人統其出入精幹者分其責任或營柵廠以散米粥或司薪水以備餵糧局中茶飲之費公項不使稍沾貧家果堪理事其飲食又當別籌至於受粟之家先訂一編使極貧次貧倫類攸分期以五日俾大口小口陸續添名察實在困窮始爲給予苟稍有囊橐不得濫膺散粟之地擇一公所或本里地大而寬自爲給發或鄰鄉路非甚

遠共爲繫連對宇望衡一呼卽至扶老攜幼接踵而來司事者不存歧視之心領受者可免奔波之苦然而不平市價貪者或私積困富者或營厚利恐輸粟猶涉慳悵也不考得失能者或資便已惰者不切拯人恐司粟未勵辛勤也而且不明予奪強暴者或桀驚難馴不慎護防黠巧者或罔希非分必使安受粟之數護散粟之地而後囂張可靖盜賊永弭也興其利除其弊數端旣權度之得宜救荒遂通行而無礙已至曾南豐所云遺弃男女者收養之歸其家者仍予之病者急醫藥死者

急埋瘞古論之周詳捐粟者果有贏餘救荒者亦當倣
仿惟願後之覽此者防患於豫圖匱於豐庶人事聿修
天心感召五風十雨造物能釀夫和甘千倉萬箱庶民
常享其樂利也豈不懿與

將爲耳特輩是若莊知訟乎民能無三
何訟 近之非機子起師 其使訟代
辭師 時濫者括所於之 庶無難下
以者 更觸卽其謂何名 有訟矣欲
對其 盛也若司發時不 豸師惟使

同生臺禹
劉公照鼎
四說瞻圖
罵法總姦
人不是秦

令清
人夜
發聞
深晨
省鍾

抱夜作患草
愧捫可子木
心憐男尙
得蟲兒生
無清那無

戒士子作訟師文

蓋聞畫衣旣邈設肺石以伸冤投匭未興有鈇箠之索
隱自來受讞必使陳辭然未有濫廁儒林偏工刀筆者
也爾迺世風不古士習漸卑以教唆詞訟爲能以播
弄鄉愚爲善術或恣情包攬或任意扛幫或出入公門
或把持官府干卿甚事胡爲越俎而代謀與爾何仇忍
使覆盆之受屈豈學狴犴之好訟竟忘君子懷刑或乘
鷓蚌之相持欲效漁人得利情適同夫五蠹迹有似乎
三游宜爲憲典所難容無怪正人之不齒凡若此者殊

直隸霍州志

卷下

藝文

三十五

可哀已爾其顛倒是非渾殺黑白蠅含沙以射影蜃噓
氣而成樓曾子可誣以殺人曲逆堪訾爲盜嫂擠排善
類則飛章能訐蔡邕羅織無辜則告密反傾魚保雖乏
殺人利刃意實慘於戈矛縱爲曠世奇才智盡消於機
械苟人心之不死將天理其何存至若毀方躍冶藏垢
包羞搖尾乞憐容頭自喜結吏幹爲同氣見僕隸而言
歡狗竇之奔走何勞鮑肆之交游相逐多方揜著猶然
如見肺肝自詡宏通毋乃有慙面目如此其卑也何樂
而爲之或謂人誚貪狼我悲涸鮒豈甘心於雀角實動

爲籍貧爲病范才下人法
訟何口爲文時爲當
師病於師 正以便以
乃貧貧者 以爲任此
真而夫多 秀天士爲

唆魄盜病胎報壽孫不可
訟賊以羞甚算不戒
多水及種則絕其畏哉
人並火種奪其祿哉
落受疾蕃其惡子籍可

光販惜一古己不
明禪失恨百可
錦豈足再年歎
作不作成回身
負可負千頭豈

作意苦
者閱衷
具者
有無
深負

念於蠅頭是則麗天有景何妨蟲鳥之瑕縱令泛駕見
稱終勝駑駘之質不知立身以氣節爲先植品以廉隅
爲尙取非其道雖析珪擔爵而何榮貧苟能安卽劃粥
斷壑而終貴且鑄橫財卅六爐得原有命故歸邑人三
百戶逋始无眚以此解嘲無非文過况乎騎常善墮訟
則終凶屢蹈危機終罹法網卽五刑之倖免必六極之
難逃則見地乏立錐客逢肱篋紅羊劫遇白馬冤沈殃
或及於池魚疚難愈乎扁鵲穢德之彰聞可醜英年之
夭折堪傷子嗣終虛致餒若敖之鬼甲科竟黜徒爲洛

直隸霍州志

卷下

藝文

三十六

誦之孫歷覽僉人恒遭慘報言之真堪賈涕聞者實足
寒心嗟乎天所忌者巧曷爲幻甚講張人之患在師况
乃事關訟獄我材必將有用何甘於自輕世事無不可
爲胡至於此極倘噬臍而莫及將失足其何堪彼齷齪
之徒固無論矣而奇佞之士殊可惜焉所望時術蛾勤
躬修蠹没不使飛言若雨常教防意如城已染者玷可
重磨未犯者錯休輕鑄光風霽月曩哲堪師吉網羅鉗
爰書是畏庶幾人情日厚天意能回養成東箭材多化
就甘棠俗美隻手挽江河之下豈其漠不關心苦口思

藥石之投慎勿褻如充耳

訟師一道非才人不能爲人既有才則又何事不可爲而忍而爲此夫知其不可爲而爲之者有所利也雖然獨不畏清議乎卽不畏清議獨不畏文網乎卽不畏文網獨不畏冥譴乎如有利而遂睥然不顧也則吾未見爲訟師而致富者也卽倖而致富又未見子若孫能享其業也蓋貧富命也命當富則爲訟師富不爲訟師必更富命當貧則不爲訟師貧卽爲訟師亦未必不貧徒造孽耳曷足濟乎吾願普天下才

直隸霍州志

卷下

藝文

三十七

人奉此文爲龜鑑也

惺惺齋主人註

訟師之不可爲文中盡之然世非無不爲訟師而終身潦倒者爲訟師而反弋獲科名者人固不能無疑焉則試正告之曰不爲訟師而終身潦倒者必其人福命本慳若爲訟師獲譴將不止此也且安知非天之留以有待也爲訟師而弋獲科名者必其人福命本厚若不爲訟師受祜更未可量也且安知非天之厚其毒而降之罰也迪吉逆凶捷於影響明明在上不爽銖毫讀是文者其三思之

篠垞居士註

好訟者訟棍耳何足言師第俗號訟師作者亦名之
曰師而已嗚呼執此術以相授受其流毒尚可言哉
天道循環果報不爽善刀筆者不遭奇禍定有奇窮
是害人而適自害也借曰未知請誦斯文

尋源主人註

與牧令書

一等威毅伯
巡撫山西部院曾國荃 湘鄉人
壬子優貢

晉省迭遭大侵農民十室九空地蒿萊滿目較之東南久被兵燹者其情形尤爲慘酷現雖澍澤普沾秋禾均已補種儻有伏雨接續或以豐熟之秋成提補夏收之歉薄俾子黎藉謀旨蓄而吾輩不患庚呼當亦仁賢所同爲企禱者也惟是災侵之始以振貸爲大端災侵之餘以撫綏爲首政故賑務莫難於善後而善後莫要於墾荒查山西一省山多地少本非五穀蕃衍之所雁門迤北則地多斥鹵歲僅一收太行迤東則岡巒帶土

直隸霍州志

卷下

藝文

三十九

頗鮮平原其共推爲神皋奧區者亦只太汾平蒲絳解數郡土地平曠天氣稍爲溫煦而所屬州邑仍有界在山陲號稱磽确者是由地勢所迫初非人力可施溯自軍興以來晉中本無甯歲昔則收成歉薄困於力役之無時今則大侵迭遭幾於人類之將盡弟承乏此邦兩載以來雖力爲地方請

帑截漕勸捐告貸幾以天下全力赴此一方之急無如災區過廣爲日太長雖有博濟之心苦無彌綸之術以故道殣相望民卒流亡古稱市廛闐寂雞犬罕音者方之

今日不是過矣茲幸天心垂愛歲事稍有轉機若不急圖屯墾至計是已荒之地無力開闢未荒之地馴至閑曠閭閻必因此而愈窮荒熟不清主名頃畝不得豁免無案計臣將起而議其後州縣必因此而愈累且歷時過久詐僞日滋有因荒難納之糧卽有非荒不完之賦國家額設經賦亦且永無規復之望病國病民莫甚於此明知事端繁重著手爲難然旣熟睹民間呻吟愁嘆情形任其水深火熱而不急圖拯救固吾人所不忍也因在已材力短絀遂欲遺大投艱於後來之賢但取苟且在

目前不爲大局長治久安之計亦吾人所大懼也爲今之計所謂勸墾之要約亦不過數端一曰清荒被災州縣通省十居其八然被災有輕重之殊地方有貧富之別土壤有肥瘠之異所有荒地斷不能犁然一致應各就地方情形責令紳耆公社人等逐村舉報必係地主死亡逃絕而又非親族里甲人等所願承領者是曰新荒呈明之後開造花名頃畝糧數清冊將地交官存案聽候招佃其因愛惜地力種夏而不種秋今年種而明年不種不得藉此牽混至若水冲沙壓石積齷廢賠糧

之地非累在里甲即累在州縣實不關於此次旱災是
曰老荒亦應由地方官責令紳耆人等查明具報別爲
一冊辦理不得混入新荒之內以清界限至若地雖有
主無力墾作若等之爲新荒令其交地入官棄其本業
固有不可若等之爲熟地仍令納糧當差以重困瘡痍
之民亦所難行亦應由地方官於查明後別爲一冊辦
理此清荒之說也一曰恤荒之地區分三等既已查悉
清楚即應代乞

恩施俾得息民之力盡地之利如老荒之地所有向來賠糧

應由弟處彙案入

告永遠豁免所有向來差攤即由各州縣出示扣除毋令
冤攤滋累其新荒絕戶無主之地概行停徵四年有主
無力之地概行停徵三年用示休息而廣招徠此恤荒
之說也一曰勸荒農民以耕作爲世業藉收穫爲衣食
斷無蕪穢其田疇荒而不治之理所以忍而閒曠者蓋
以飢饉餘生無力營幹當其啼飢之始或先貨其車牛
繼且鬻其農具及腰鎌耒耜一文之可值者無不悉索
以供其一飽今雖性命僅存而向之得一錢而棄者刻

則費百錢千錢而猶不讎故不得不坐受困累若再不爲之所所慮老者終爲溝壑之填壯者仍作逃亡之續竭此兩年心力而令生存之民終不免於宛轉待死則晉之爲晉此後尚堪問乎昨於司庫暨河東道庫共提銀貳拾萬兩派員分赴陝豫及口外地方採買耕牛限於七月內運到俾得趕種宿麥此牛到後每頭約以十千出售庶中人之力猶可免企所得之價即以散給有人有地無力耕作因而荒廢之戶使之自謀農具籽種得以盡力隴畝弗至毫無憑藉應俟查明後即以此意

出示曉諭毋任冒濫儻所買牛隻不敷再當籌款續買以化一爲兩之錢行還定安集之政此勸荒之說也一曰招荒晉省人民業農者少逐末者多此次大稔災重者農民或傷及七八或傷及五六輕者亦傷及三四再隰吉嵐岢臨永浮岳等州縣向來地畝多由棚民墾作被災以後亦有越河赴陝者亦有逃歸本籍者此項地糧能否胥歸有著斷難一律如其無著豁免三年之糧俾得稍沾餘潤代謀牛隻農具使之得所經營果可招之使徠乎如往者難復似此辦理能令遠方之民間風

歆羨乎抑平原曠衍易於復業岡巒礪确更有所難乎
或舍弟現籌之外別有招徠切劑乎就數者之中以此
層爲最切就所辦之法以此層爲最難身任地方責無
旁貸務須逐條推究確定辦法或者生機曰闢此後民
間得以自通有無而返本業十年生聚十年教訓二十
年以後元氣可以稍復乎至於未經歸併於地缺額之
丁應令地方官設法歸併倘難全歸或實在地土瘠薄
不堪歸併累民亦須切實查詢詳請
奏豁特不可一味市恩要譽置

國計於弗恤耳通省倉儲告竭水旱難保必無故還倉一事
刻亦急欲舉辦應請將各屬額設若干動用若干現在
有無存穀開摺呈送以便通盤籌計酌定歸補成數用
戒不虞徭役一事晉民受累已深現在皮骨僅存何忍
更以無名供應腹其膏血應請各就地方情形熟觀定
計如弊之在吏役者差票是也弊之在紳董者浮開捏
報是也弊之在甲里者浮收浮攤仍行挪用久而興訟
是也弊之在差門者勾串勒折朦官分肥是也弊之在
驛站者借車借馬差信文移是也總斯數弊實在於官

無絲毫之利而蚩蚩者且受害無窮靡所控訴迨刁生
劣監從中煽惑於是而有京控之案於是而有聚衆之
案拖延日久訟費愈煩良者日累强者日刁吏治不綱
大率由此務請勤求其隱祛其泰甚亦大禔之後休養
生息之一要也縷縷奉布以當質言

續刻直隸霍州志 卷下

藝文 古今體詩

宗約歌

前明山西巡撫 呂 坤 甯陵人

勸祭祖

問你身從何處來祖宗父母養嬰孩家中空有兒幾個
墳上誰燒酒一盃待客隨人也使鈔因妻爲子不惜財
北壇孤鬼還三祭多了當年要子埋

勸孝親

父母年高喜在堂爲人不孝罪難當
餵乾就溼三年體

直隸霍州志

卷下

藝文詩

一

望長愁災萬種腸要識親恩看兒女好那子愛與爺孃
如何不似禽和獸返哺烏鴉跪乳羊

勸篤親

三族由來號至親母家父黨與妻尊若存驕敖非君子
豈可骨肉同世人情懷溫熱皆真意禮貌謙恭更小心
孔子古今稱大聖也於鄉黨要恂恂

勸友愛

兄弟不和只爲錢同胞卻結死生冤
平居只把情腸薄患難誰知骨肉憐
多讓些兒房裏物少聽幾句枕邊言

人生惟有孤身苦請讀周公棠棣篇

勸敬兄

千古家尊說父兄從來孝弟兩般同不止柔聲和下氣
還當隅坐又隨行逢財那得心嫌少辨話休將眼硬睜
未看詩書先看律好降凶敖作謙恭

勸敬長

世上達尊惟有三帝王袒割敬高年如何後進輕前進
卻使前賢讓後賢下馬避車豈敢望隨行隅坐也當然
龐眉皓首君須到莫學當時楊大年

直隸霍州志

卷下

藝文詩

二

勸和鄰

同縣同鄉與近鄰土居年久都相親倚強陵弱非君子
尚氣爭財是小人忍事何妨鄰里笑存心自有鬼神欽
請看帶鎖披枷者那個當初是好民

勸教子

個個生兒要口噙人家說句便生嗔小時珠錦裝頭角
大了綾羅遍體身奢侈縱橫敖父母輕浮躁暴欺鄉鄰
犯入天羅休怨悔殺他原不是別人

勸繼母

無福生來有福睛養身送老與孃同親兒罪過偏擔待
前子饑寒總不疼閔損蘆花能過意伯奇荷葉怎爲情
從來繼母人人恨何苦不賢畱罵名

勸前子

繼母不慈自古傳王祥閔損幾人然指以沒孃作話說
忍將親父也牽纏生分抵觸傷天理背毀加枉對衆談
任他折挫只行孝那怕鐵心不軟綿

勸妯娌

異姓同居自古難你爭便宜我貪錢喫虧一點偏馱嘴

直隸霍州志

卷下

藝文詩

三

要占三分始破顏日久天長結後禍同心一氣是前緣
九輩不分沒別話記煞休聽女人言

勸男家

古來生女便悲傷只爲男家忒氣腸儘教賠送還嫌薄
費盡供給只當常婆無好臉難爲婦壻出惡聲動罵孃
不曉理人難說話教他養女也嘗嘗

勸女家

人家養女好温存慣壞之時怎過門畧經磕磣偏生氣
動是哭啼只怨人縱不尋死多身病還要耽憂掛母心

早信温存不是愛女時教就婦人身

勸勤業

從來勤苦是營生那有青年自在翁商賈離家千里外
農桑竭力五更中富貴安閒難富貴貧窮懶惰越貧窮
賄穿睛喫心何忍多禍多灾天不容

勸節儉

聖賢美德儉爲先菲飲惡衣禹且然口腹十愆昔所戒
衣裳三慎古來傳饑寒但免卽爲福飽煖生餘是棄天
肯把糟糠作珠玉怎教八口死凶年

直隸霍州志

卷下

藝文詩

四

勸重農

天王二月便親耕第一生涯是務農地少糞多三倍利
苗稀草淨百分成人勤休靠覓中覓牛壯還加功外功
收得多時休浪費口那肚攢備年凶

戒賭博

賭博從來个个貧別人血肉怎安身要幫癡幼贏他物
須使機關壞我心錢財盡入開張手地宅都歸守分人
回頭休幹撈筭事沙井日淘日日深

戒好訟

衙門不是我家門虧死只休把狀輪使鈔那分原被告
問官難定輸贏人淹纏歲月君應悔耽閣莊家你也貧
是非自有鄉鄰口好請鄉鄰替處分

戒邪教

無爲清淨與白蓮暗結同心滿世間明去夜來啜婦女
焚香拜斗斂銀錢傳頭教主該千剮道友法師罪一般
莫要欺心胡筭計朝廷福分大如天

戒食牛

萬民全靠五穀生不著耕牛怎得成拽載打場日幾遍

直隸霍州志

卷下

藝文詩

五

回犁轉耙月三更犢兒吃妳疲難起田主鞭身饑也行
縱不報功還吃肉閻羅罪簿甚分明

奉中丞魏見泉公委祀霍山神禱雨

平陽知府夏尙金
武陵人

三月春深夏木森中丞問俗禱甘霖蒼蒼松柏千年樹
陣陣滂沱此日心肯念民生分露澤不虛霍嶽鎮山林
由來昭格馨明德願賦隨車喜雨臨

蜀槎小草

引

僕採輯古今名人題詠霍州勝蹟者不可多覩兒

子慶泰素耽吟詠以舊藏安化羅蘇溪制府蜀槎
小草呈閱莊誦數過見其星輶所至每逢勝蹟輒
繫以詩內有由靈石過霍歷趙城古今體詩十五
首亟補刊之以寓表章先民之意云楊立旭謹識

乘馬至霍州

山西布政升
任雲貴制府 羅繞典 湖南人

山翠林煙畫不成一鞭揮處逗吟情蹇驢馱炭出深谷
靈鵲蹋枝唳晚晴瑟瑟風蒲有秋意泠泠露葉送寒聲
旂亭夜息看星斗數到郵籤第幾程

造父遺封

直隸霍州志

卷下

藝文詩

六

造父應星躔瀕汾留故跡莫問趙山河茫茫天水碧

媧皇廟

人間離恨天落落隔今古願添五色石代倩媧皇補

豫讓橋

有身亦可漆有炭亦可吞嗚咽橋頭水難歸國士魂

相如故里

葆身白璧完偶失磨猶玷我懷慕藺心玉壺冰一片

途次弔楊菊泉

浩劫茫茫莫問天宰官果否已神仙衛民身爲河山隕

報國心同日月懸一炬何堪肆蠹螿九原應尙逐鷹鷂
難忘腹痛橋公約剪紙招魂意惘然

琴堂瀟灑見天真爲政風流久軼倫邑有弦歌皆弟子
戶經循拊似家人城傾不墜睢陽齒金鑄應同賈島身
如此才華如此遇夜深劔氣渺延津

天語傳來不忍看昭忠祠許壽儒官摘心祭慰英魂易
墮淚碑存衆口難節義一門空化碧馨香千古獨攄丹
可憐豫讓橋邊水影送南歸素旆寒

西征小駐采風軒遺愛猶聞父老言幸我官貧詩尙富

直隸霍州志

卷下

藝文詩

七

願民家裕獄無冤百身欲贖魂難返一變無端手莫援
此語編歸循吏傳英光何止耀湘沅

蜚廉壇

石棺之造胡爲者商辛愚甚桓司馬平生自詡命在天
太白旗懸血流赭我過霍太山上有蜚廉壇造棺伐石
謹承命棺成國破家難還再拜復命謝臣責側身北望
空洑瀾悲聲動天天有耳謂爾能忠棺賜爾棺由爾成
非偶成爾爲棺死猶不死銘字和棺葬黃壤貞誠貫石
光青史吁嗟乎海隅就戮亦蜚廉同世同名兩不嫌忠

魂永與霍岳壽奸魄空隨滄海淹忠魂奸魄一例逝茫
茫身後名空傳誰能不朽誰速朽石不能言欲問天
謹按舊志呂諲霍山神傳云當殷之衰飛廉助紂爲
虐神賜之死亦給石棺數語證以孟子三年誅其君
驅飛廉於海隅而戮之已知其事非實不足徵信茲
讀蘇溪羅制府飛廉壇詩知同時有兩飛廉一忠一
奸石槨之銘天特賜不忘臣節之飛廉以與霍岳並
壽千古而呂傳之誤不辦自明矣

題宋老生墓

山西學政謝維藩湖南人

直隸霍州志

卷下

藝文詩

八

唐兵迴霍邑天遣出河東君與堯通守當爲隋兩忠荒
城仍積雨古墓道山翁史傳遺誠節千年憾不窮

題宋老生墓和謝麀伯學使原韻

楊立旭

天意興唐祚王師直向東霍神爲引導

宋閻光度應聖祠記云霍嶽之

神引導王師破宋老生

隋將盡孤忠牆外留碑碣

墓牆外宋提刑御史張商英詩

碑尙存瑩前失仲翁

墓前舊有石翁仲二人今已無存

待將祠宇建

謝學使書

來擬倡建祠宇以資觀感觀感自無窮

題淮陰墓

庚戌翰林雲南道監察御史

盧秉純

襄陵人

蓋世功名未足珍舍生取義是全身如予尙屈黃金膝

多少英雄胯下人

戰鎧從教頸血侵登壇忍負受恩深
蒯生空相將軍背
未相將軍一片心

過師莊

離州城
三十里

畫意詩情驛兩肩繡衣直指玉堂仙
不禁幾次山中過
換却人生美少年

過老張灣

離城四
十五里

人到灣中念老張峰迴路轉似羊腸
倚天拔地憑誰力
驀直風烟入

直隸霍州志

卷下

藝文詩

九

帝鄉

過半升米坡

離城三
十五里

黃土生坡立幾層馬蹄到此亦凌兢
坑頭便有坡兒險
焉得人人米半升

過夫妻嶺

離城八
十里

面起危峰勢插天夫推妻挽敝車
邊嶺名特爲綱常重
竟與淮陰一樣傳

日暮宿興唐寺

閻鯤化

人到寒山日已斜，騎驢衝雪住僧家。
更深月映如來座，夜靜鐘驚太乙楂。
入夢方疑高士卧，初醒祇聽鳥聲譁。
泉名打鼓流音急，助我詩情若晚霞。

霍山中鎮廟尋碑有感

爲愛名詩古與遊，印須我友上峯頭。
蒼茫曲徑雲煙接，縹緲寒山黛色幽。
松栢蕭森圍四面，聲靈赫濯鎮千秋。
階楹尚有殘碑在，多少珠璣筆下收。

霍山遇雪

程望澤

直隸霍州志

卷下

藝文詩

十

壁立峯巒勢插天，迷離雪裏陟山巔。
人行石齒留鴻爪，花撲崕岬溷鷺拳。
絮擁漸盈高士屋，途泥快著祖生鞭。
他時走馬歸來日，回首匡廬指顧邊。

遊中鎮廟

巍峩廟宇鎮中州，此日登臨夙願酬。
磴瀉泉聲紅寓目，階圍柏影碧當頭。
荒庭棖棟龍蛇畫，古壁石碑蝌蚪留。
降雨興雲靈跡著，敢忘禴祭歲時修。

遊興唐寺

谷隱巖深別有天，初唐勝跡至今傳。
蒲團靜對休糧峪，

磬響遙通打鼓泉百尺蒼松巢有鶴千尋翠柱木飛鴛
同行莫怨歸來晚皓月空明頂上圓

霍嶽中鎮廟祈雪

豐年景象兆飛靈何事深冬日日晴此地峰高凌碧落
願天玉戲潤蒼生犀靈一點昭神鑒雀凍重巖盼雪成
驢背新詩曾記否諸君好藉祝昇平

興唐寺古松

董培學

蒼茫古剎隔芙蓉人在蓬萊秀在松葉現青銅堪舞鶴
皮翻白骨欲成龍濤聲激響風千里鍼影斜穿月一峯

直隸霍州志

卷下

藝文詩

十一

傲世丰姿真絕代迄今猶憶大夫封

休糧山

聖佛名崖糧記山休言仄徑非仙寰金身化處知因果

山之東爲休糧
龕上有菩薩跡

松嶺排來露髻鬢煮水充饑泉有味相傳

菩薩辟
穀處

談經說法石何頑

有說法臺尙留
羣龍聽講石

同人話到雲

深處打鼓逢逢杳靄間

山之左爲
打鼓泉

霍山書院古柏

董家興

青青茂柏鼎分行植向門庭歷歲霜柯葉獨留真面目
輪囷卻露古文章材培哲匠儲時用身伴寒松抱晚芳

深夜莫驚霞彩現生來本自近奎光

院中舊建有奎星閣

遊水月菴

水光月影翠連橫聯袂遊來倍愜情一片波澄僧念寂
萬川色映道心清簾間嶽色連松色庵外河聲雜鳥聲
笑彼塵寰名利客何如此處學長生

打鼓泉

劉子喆

鳴玉漱泉挂碧峯風傳雅籟響瑟瑟東丁打處翻名鼓
溪午聞來欲比鐘飛瀑濺珠真白雨雪濤送韻雜青松
春來花滿興唐寺催羯天公恍欲逢

直隸霍州志

卷下

藝文詩

十二

中鎮廟訪古

鶴氅雪中渾似仙爲尋古碣陟山巔紫毫呵處唇沾墨
紅葉燒來袖惹煙字跡模糊重認蚪梵音清切擬聞蟬
溪邊還有廣長舌打鼓聲聲好指泉

遊水月菴有悟

段雄

勝日菴遊意憬然非求佛法非求仙描情寫景世儒見
說杳談空釋子篇水自方來識已往月於旣缺悟重圓
箇中妙趣無人問請看孤輪映萬川

遊東塔謁奎星閣

奎耀中天十六圓光明燦爛啓心傳西澄汾水通河洛
東甸霍峰毓聖賢提筆橫將俗學掃持經欲爲世人宣
斯文從此將興起隱隱真機現目前

直隸霍州志

卷下

藝文詩

十三

